



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonComercial  
3.0 Unported (CC BY-NC 3.0) license.**

Դու կարող ես.


պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material











# ՅԱՀԵԼՈՒԱԾ



ԹԱՐԴՄԱՆԵԱՑ

45.000.000

ԳԱԲՐԻԵԼ ԱՐՔԵՊԻՍԿՈՊՈՍ ԱԶՎՈՂԵԱՆՑ

ՄԻԱՅԱՆ ՄՐՑՈՑ ԷՇՄԻԱՆՆԻ.

ՀԱՅԱՍՏԱՆԻ



Ի ԳԱՎԱՐԾԱՊԱՏ

Ի ՑՊԱՐԱՆԻ ՄՐՑՈՑ ԿԱԹՈՎԻԿԵ ԷՇՄԻԱՆՆԻ.



ՈՅԲԱ - 1871

Հ Ր Ե Մ Ե Ն Ե Ւ

Տ. Տ. ԳԵՂԻՐԳԵԱՅ Պ.

ՎԵՀԱՓԱՌ ԵՒ ՍՐԲԱԶՆԱԳՈՑՆ ԿԱԹՈՂԻԿՈՍԻ

ԱՄԵՆԱՅՆ ՀԱՅՈՑ.

(4193  
41)





## ՅԱՀԵԼՈՒԱԾ


Յանոսեանս մատենիկ յօրինեալ յամին 1869, որպէս  
յայտ է վերծանողաց, ստոցդ իմն գուշակութիւն է մնջորու-  
թեանն նորոյ, անսխալականութեան ասեմ պապին Հռովմայ՝  
յոր խարդաւանել հանդերձէր հռովմէականն Եկեղեցի ի ձեռն  
Վատիկանեան ժողովշն։ Այլև զպատմութիւն այնր վրիպա-  
կան վարդապետութեան հաւաստի վկայութեամբք ի մէջ բե-  
րեալ՝ յայս յանդուցանէ զբանս իւր, զի ժողովն այն ըստ  
ամենայն հանդամանացն անարժան է կոչելոյ ժողով տիեզերա-  
կան կամ ընդհանրական, ուստի և սահմանք նորին անըն-  
դունելիք քրիստոնէից, և վարդապետութիւնն անսխալակա-  
նութեան պապին զոր հնարի հաստատել Պիոս թ ի ձեռն  
ժողովշն՝ անվաւեր և մնջորական։

Արդ ժողովն այն եղև և կատարեցաւ, որպէս և ի կան-  
խարանութեան մերում յիշատակեցաք, և ի 6 (18) Յուլիսի  
1870 ամի հրատարակեցաւ սահման կամ վճիռ նորին կանո-  
նական կոնդակաւ պապին՝ յաղագս թէ անսխալական է պա-  
պըն Հռովմայ ի վճիռս իւր զինզրոց հաւատոյ և զվարուց։  
Յապուշ հարան ողջամիտքն ի քրիստոնէից արևելից և արև-  
մտից առհասարակ, և զայթակեղեցին նորին իսկ հռովմէական-  
քըն։ որք և ի լուր իրացն իրեւ զծով ծփեալ ի սաստկու-  
թենէ Հողմոյ շնչելոյ՝ ալեկոծեցան և ցարդ ևս ալեկոծեալ  
տարուբերին ընդ ամենայն կողմանս աշխարհի, մանաւանդ ի  
Գերմանիա, ի Գաղղիա, յԻտալիա և յԱնդիա, և հերձուա-  
ծըս նորանորս կազմին ի հռովմէական Եկեղեցւոջն, ունելով  
իւրեանց վարիչս և առաջնորդս յիմաստնագունիցն և յարիա-  
գոյն աստուածաբանից իւրաքանչիւր աշխարհաց, որպիսիք  
ումանք հանդիսանան ի Գերմանիա Տէօլինկէռ, ի Գաղղիա  
Յակինթոս (Փէռ իտակնի), յԻտալիա Փասսալիա, յԱւլս-

տրիա Ա՞նթոն, յԱնդղիա Օվէռպէք, և այլուր այլք բազումք յցժ յցժ :

Յաղագս այսր ամենայնի արժան համարեցաք և մեք՝ իրու լրումն և ամբողջութիւն տալով մատենկանս Յանոսի՝ յաւելուլ աստանօր նախ զթարգմանութիւն կանոնական կոնդակի պապին հռովմայ, և ապա զշերքման նորին՝ զոր գրեալ է Հայրն Կէմէ ի հռչակեալ ամսագրին իւրում ի ձև թղթոյ ուղղելոյ առ Պիոս թու :

ԹԱՐԳՄԱՆԻՉՆ .



Կանոնական Կոնդակ Պիոսի թ. յաղագս Եկեղեցւոյն Աստուծոյ,  
մատուցեալ ի քննութիւն Հարց պատուականաց :

Պիոս Եպիսկոպոս ծառայ ծառայից Աստուծոյ, Հաւանու-  
թեամբ սրբոյ Թողովշոյ, ի յաւիտենական յիշատակ իրացս :—  
Հովիւն յաւիտենական և վերադիտող (կամ եպիսկոպոս)  
հոգուց մերոց, առ ի զաղատարարն գործ փրկութեան մերոց  
մշտնջենաւորս առնելց, զեկեղեցի սուրբ կառուցանել հաճե-  
ցաւ, յորում իբրև ի տան Աստուծոյ կենդանւոյ (Ա. Տիմ.  
Գ. 45) Հաւատացեալքն ամենեքեան՝ միոյ Հաւատոյ և սիրոյ  
զօդիւն կապակցեալք միաւորեսցին : Որոյ վասն մինչչև փա-  
ռաւորեալն էր՝ աղաչեաց զնայր՝ ոչ վասն առաքելոցն միայն,  
այլև վասն այնոցիկ որք Հաւատալոց էին բանիւն նոցա յին-  
քըն, զի իցեն մի որպէս նա ինքն Որդին և Հայրն մի են  
(Ցով. ԺԷ. 4. 21) : Սմին իրի զոր օրինակ զառաքեալն  
զորս ընտրեալ էր յաշխարհէ առաքեաց՝ որպէս ինքն առա-  
քեալ էր ի Հօրէ, ըստ նմին և յԵկեղեցւոջ իւրում կամե-  
ցաւ զի լինիցին Հովիւք և վարդապետք մինչև ի կատարած  
աշխարհի : Եւ որպէս զի եպիսկոպոսութիւնն ևս իցէ մի և  
անբաժանելի, և ի ձեռն քահանայիցն ընդ միմեանս կցորդե-  
լոց՝ ողջոյն իսկ Հաւատացելոցն բազմութիւն ի միութեան հա-  
ւատոյ և Հաղորդակցութեան պահեսցի, զերանելին զՊետրոս  
նախադաս այլոցն արար առաքելոց, և ի նմա կարգեաց զմբշ-  
տնջենարուղիս աղբիւրն միութեան և զհիմն երևելի, յորոյ  
ամրութեանն վերայ կառուցի տաճարն յաւիտենական, և  
երկնարելին Եկեղեցի ի Հաստատութեան այնր Հաւատոյ ամ-

բարձեալ կանգնեսցի : Եւ քանզի զրունք դժոխոց առ ի կործանել զԵկեղեցին, եթէ իցէ հնար, օր քան զօր առաւելացոյն թշնամութեամբ ընդդէմ՝ կըրին աստուածադիր հիման նորին, մեք ի պահպանութիւն, յանբոյթ յապահովութիւն և յաճումն կամուղիկէ հօտին, հաւանութեամբ սրբոյ ժողովոյ՝ կարեոր դատիմք զվարդապետութիւնն որ յաղագս կարդի, մշտնջնաւորութեան և իսկութեան սրբոյ առաքելական առաջնութեան (կամ նախագահութեան) յոր հաստատեալ կայ զօրութիւն և ամրութիւն բովանդակ Եկեղեցւոյն, առաջարկել համօրէն հաւատացելոց ի դաւանել և ի պահպանել ըստ վաղնջուց և հաստատուն հաւատոյ ընդհանրական Եկեղեցւոյ, այլև հեղքել և դատապ սրտ առնել զհակառակ մոլորութիւնն վեասսկարս տէրունեան հօտին :

ԳԼՈՒԽ Ա. — Յաղացա առաւելական առաւելական առանձնահայոց յանչին երանելուոյն Պետրոսի : — Վասնորոյ ուսուցանեմք և յայտ առնեմք՝ ըստ աւետարանին վկայութեան, թէ առաջնութիւն իրաւասութեան ի բովանդակ Եկեղեցւոջ Աստուծոյ անմիջապէս և ուղղակի խոստացեալ և շնորհեալ է ի Քրիստոսէ Տեառնէ մերմէ երանելոյն Պետրոսի առաքելոյ : Քանզի առ Սիմոն միայն՝ որում ասացեալ էր, Պու կոչեսցիս Կեմիս, յետ նորա զիսոստովանութիւն դաւանութեանն տալոյ՝ թէ Պու ես Քրիստոսն Որդի Աստուծոյ կենդանւոյ, ասաց Տէր . Երանիք Սիմոն, որդի Յովնանու, զի մարմին և արիւն ոչ յայտնեաց քեզ, այլ Հայրն իմ որ յերկինս է . և ես քեզ ասեմ, զի դու ես վէմ (կամ Պետրոս), և ի վերայ այզր վեմի շմնեցից զԵկեղեցի իմ, և զրունք դժոխոց զնա մի՛ յաղթահարեացեն . և տաց քեզ զփականս ալբայութեան երկնից . և զոր միանգամ կապեսցես յերկրի՝ եղիցի կապեալ յերկինս, և զոր միանգամ արձակեսցես յերկրի՝ եղիցի արձակեալ յերկինս (Մատթ. Ժ. 48. 49): Այլև Սիմոնի Պետրոսի շնորհեաց Յիսուս յետ Յարութեան իւրոյ զգերագոյն հովուի և կառավարչի զիրաւասութիւն ի վերայ համօրէն հօտին իւրոյ՝ առելով . արածեալ զգաոինս իմ . արածեալ զու-

Խարս իմ (Յովհ. Ի. 43, 47): Այսմ բացայայտ վկայութեան զրոցն սրբոց, որպէս ցանդ իմացեալ է կաթուղիկէ Ես կեղցի, հակառակին խեղամիւր կարծիք այնոցիկ՝ որք ըզ կարգեալ ի Քրիստոսէ Տեառնէ մերմէ յԵկեղեցւոջ իւրում զձեւ վարչութեան խանգարելով՝ ասեն թէ Պետրոս միայն ոչ է Ճոխացեալ ի Քրիստոսէ առաւել քան զայլ առաքեալսն, ոչ քան զմի մի ի նոցանէ և ոչ քան զամենեան միանգամայն ստոյգ և սեպհական իրաւասութեան առաջնութեամբ. Նմանապէս որք պնդեն թէ այն առաջնութիւն ոչ անմիջապէս և ուղղակի նմին երանելոյն Պետրոսի անկ է, այլ Եկեղեցւոյ պարգեեալ, և ի ձեռն նորին աւանդեալ է Պետրոսի իրքեւ Եկեղեցւոյ պաշտօնէի:

Վասն որոյ եթէ ոք ասիցէ, թէ երանելի առաքեալն Պետրոս ոչ է կարգեալ ի Քրիստոսէ Տեառնէ մերմէ իշխան ամենայն առաքելոց և զլուխ համօրէն զինուորեալս Եկեղեցւոյ, կամ թէ նա զպատիւ և եթ՝ և ոչ զառաջնութիւն ստոյգ և յատկական իրաւասութեան ի նմին իսկ ի Տեառնէ մերմէ Յիսուսէ Քրիստոսէ ուղղակի և անմիջապէս ընկալեալ է, նղովեալ եղեցի:

ԳԼՈՒԽ Բ. — Յառական մշտական առաջնորդնեանն Պետրոսի և ժամանայապէտոս Հառովնայ: — Իսկ զոր ինչ յանձնին երանելոյն Պետրոսի առաքելոց կարգեաց եղ հովուապեան ոչ Խարաց Տէր մեր Յիսուս Քրիստոս՝ ի մշտնջնաւոր փրկութիւն և ի յարատե օգուտ Եկեղեցւոյ, հարկ է այնմ ի ձեռն նորին Տեառն յԵկեղեցւոջ հիմնելոյ ի վերայ վիմի մինչեւ ի կատարած աշխարհի հաստատուն մնալ: Քանզի և ոչ ոք երկրայի, այլ ընդ ամենայն ժամանակս ծանօթ լիալ է ամենեցուն, զի սուրբն և երանելին Պետրոս պետոն առաքելոց և զլուխ, սիւն հաւատոյ և հիմն կաթողիկէ Եկեղեցւոյ, որ ի Տեառնէ մերմէ Յիսուսէ Քրիստոսէ և ի Փրկչէ մարդկայինս ազգի և ի կեցուցչէ զփականս ալքայութեան ընկալաւ, մինչեւ ցայժմ և ցանդ ի յաջորդս իւր՝ յեսլիսկոպոսունս սրբոյ Ամոռոցն Հոռվածայ հիմնելոյ յիւրմէ և իւրով արեամբն սրբեցելոյ՝ կենդանի է,

և գերազակաց բազմի, և դատաստանս առնէ։ Վասն որոյ որ  
ոք յաջորդիցէ յԱթոռս յայս Պետրոսի, նա ըսա կարգադրու-  
թեան նորին իսկ Քրիստոսի ընդունի զառաջնութիւնն (զգերա-  
զահութիւն) Պետրոսի ի վերայ ընդհանրական Եկեղեցւոյ,  
քանզի յարատեակ է Ճշմարտութեանն կարգադրութիւն, և  
երանելին Պետրոս յընկալեալ պնդութեան վիմին կալով և  
մնալով՝ զառեալն զեկավարութիւն Եկեղեցւոյ ոչ թողու եր-  
բէք։ Մին իրի առ Հռովմէականն Եկեղեցի՝ ի պատճառս  
հզօրագոյն պետականութեանն հարկ եղեալ էր միշտ համօրէն  
Եկեղեցւոյ գալ ժողովել, այս ինքն է զի հաւատացեալք ամե-  
նայն աշխարհաց յայն Աթոռ՝ յորմէ իրաւունք պետական հե-  
ղինակութեան յամենեսեան գետահետին՝ իբրև անդամք ի զը-  
լուխ անդր զուգաւորեալք՝ ի մի միաբանութիւն մարմնոյ յա-  
րեսցին։

Ապա ուրեմն եթէ ոք ասիցէ՝ թէ ոչ ի նմին իսկ ի Քրիս-  
տոսի Տեառն մերոյ կարգադրութենէ, կամ յԱստուածային  
իրաւանց է ունելն երանելոյն Պետրոսի յառաջնութեան (կամ  
ի նախագահութեան) ի վերայ ընդհանրական Եկեղեցւոյ յա-  
ջորդս մշտնջենաւորս, կամ թէ քահանայապետն Հռովմայ  
ոչ իցէ յաջորդ երանելոյն Պետրոսի յայնմ առաջնութեան,  
նդովեալ եղեցի։

ԳԼՈՒԽՆ Գ. — Յառաջու զըրենիւնն և առաջնաւաց բերան-  
հունիւնն ժահանայապետին Հառովմայ։ — Որոյ վասն՝ յեցեալք ի  
բացայատ վկայութիւնս զրոցն սրբոց և յարեալք ի յստակ  
վճիռս նախորդացն մերոց քահանայապետաց Հռովմայ, որ-  
պէս և տիեզերական ժողովոց, կրկնենմք զսահման տիեզերա-  
կան ժողովոյն Փլորենտից, ըստ որում ամենայն հաւատա-  
ցեալք Քրիստոսի սպարտին հաւատալ՝ թէ սուրբ Աթոռն ա-  
ռաքելական և քահանայապետն Հռովմայ ընդ ամենայն տիե-  
զերս ունի զառաջնութիւնն, և թէ նա ինքն քահանայապետն  
Հռովմայ յաջորդ է երանելոյն Պետրոսի առաքելոցն պետի,  
և Ճշմարիտ փոխանորդ Քրիստոսի, և զլուխ համօրէն Եկե-  
ղեցւոյ, և քրիստոնէից ամենեցուն հայր և վարդապետ, և

նմա՝ յանձին երանելոյն Պետրոսի՝ աւանդեալ է ի Տեառնէ մերմէ Յիսուսէ Քրիստոսէ լիսակատար իշխանութիւն հովուելոյ, տնտեսելոյ և զեկավարելոյ զընդհանրականն Եկեղեցի, զոր օրինակ և ի գործս տիեզերականացն Ժողովոց և ի կանոնսն սուրբս դրոշմեալ կայ:

Յաղագս այսորիկ ուսուցանեմք և յայտ առնեմք, զի հովմէականն Եկեղեցի ըստ կարգադրութեանն Աստուծոյ ընկալեալ ունի ըստ սովորական իշխանութեան զզիսաւորութիւն ի վերայ այլոցն ամենեցուն, և թէ այս իշխանութիւն իրաւասութեան քահանայապետին Հռովմայ, որ է Ճշմարտիւ եպիսկոպոսական, անմիջական է. առ որ հովիւքն և հաւատացեալք որոց և իցէ արարողութեանց և աստիճանաց, եթէ մէն մի իւրաքանչիւր և եթէ ամենեքեան միանգամայն, ըստ պատշաճի եկեղեցական դասակարգութեան և կատարեալ Հընազանդութեան՝ պարտաւորին դիմել, ոչ միայն ի գէպս խնդրոց հաւատոյ և վարուց, այլև յայնոսիկ որք անկ են բարեկարգութեան և կառավարութեան Եկեղեցւոյ ընդ ամենայն աշխարհս սփռելոյ. այնպէս զի պահելով ընդ քահանայապետին Հռովմայ թէ զմիութիւն հաղորդակցութեան և թէ զմիութիւն դաւանութեան նոյն հաւատոց, Եկեղեցին Քրիստոսի իցէ մի հօտ և մի հովիւ: Այս է վարդապետութիւն կաթուղիկէ հաւատոց, յորմէ անհնար է ումեք խոտորել և չանկանել ի հաւատոց և ի փրկութենէ հոգւոյ:

Այս իշխանութիւն ծայրագոյն քահանայապետին ոչ ինչ քնար ստնանէ այնմ սովորական և անընդմէջ իշխանութեան եպիսկոպոսութեան, որով եպիսկոպոսունքն որք ի Հռովոյն սրբոյ կարգեալք յաջորդք են առաքելոց՝ իբրև Ճշմարիտ հովիւք զհօտսն աւանդեալս ինքեանց և զմի մի իւրաքանչիւր հովուեն և կառավարեն. քանզի զսոյն հաստատէ, զօրացուցանէ և պահանջէ Հովիւն զերագոյն և ընդհանրական, որպէս և սուրբն մեծն Գրիգոր ասէ. Կմն պատիւ՝ է պատիւ ընդհանրական Եկեղեցւոյ. իմն պատիւ է եղբարցն իմոց անվկանդն զօրութիւն. յայնժամ ես Ճշմարտապէս պատուեալ դտանիմ՝

յորժամ՝ ոչ զլասցի ոք իւրաքանչիւր նոցա զպատշաճականն պատիւ :

Ե զերագցն իշխանութենէ անտի զոր ունի քահանայապետն Հռովմայ՝ ղեկավարեկոյ զՆկեղեցին ընդհանրական, յառաջ գան իրաւունք նորին ազատօրէն հաղորդակցեկոյ ի կատարման անդ իւրոյ պաշտամանն ընդ հովուաց և ընդ հօտից համօրէն Եկեղեցւոյ, այնպէս զի մարթասցին նոքա ընդունել ի նմանէ ի ճանապարհի փրկութեան զիրատ և զղեկավարութիւն։ Ասսն որոյ դատապարտեմք և հերքեմք զկարծիս այնոցիկ ոք ասեն թէ օրէն է արգելուլ զայս հաղորդակցութիւն ծայրագունի զինոյն ընդ հովուացն և ընդ հօտից, կամ թէ համարեն զայն վնասակար աշխարհական իշխանութեան. այլ և պնդեն՝ թէ որ ինչ միանգամ յառաքելական Աթոռոյ աստի կամ սորին հրամանաւն սահմանիցի ի ղեկավարութիւն Եկեղեցւոյ՝ ոչ ունի զոյժ և զջօրութիւն, եթէ չառնուցու հաստատութիւն ի հաջոյից աշխարհական իշխանութեան։

Եւ քանզի քահանայապետն Հռովմայ Աստուածային իրաւամբ առաքելական առաջնութեան զլուխ է ընդհանրական Եկեղեցւոյ, ուսուցանեմք և հրատարակեմք՝ թէ նա ինքն է զերագցն դատաւոր հաւատացելոց, և յամենայն դէպս Եկեղեցական քննութեան օրէն է զիմել առ նորին դատաստան։ իսկ զդատաստան առաքելական Աթոռոյն՝ քան զոր չեք իշխանութիւն վիհագոյն՝ ոչ ոք կարէ մերժել, և ոչ ումեք օրէն է առնել դատաստան զդատողութենէ նորա։ Ասսն որոյ մոլորին յուղիղ պողոտայէ ճշմարտութեան ոքք ասենն՝ թէ օրէն է բողոք ունել զդատաստանաց քահանայապետացն Հռովմայ ի ժողով տիեզերական՝ իրեւ յիշխանութիւն վերագցն քան զհռովմայ քահանայապետին։

Սմին իրի եթէ ոք ասիցէ՝ թէ քահանայապետն Հռովմայ ունի միայն զպաշտօն տեսչութեան կամ ղեկավարութեան, բայց ոչ զլիուլի և զծայրագցն իշխանութիւն իրաւասութեան յընդհանրական Եկեղեցւոջ՝ ոչ միայն ի խնդիրս վերաբերեալ հաւատոց և վարուց, այլև ի վերաբերեալսն առ բարեկար-

գութիւն և կառավարութիւն Եկեղեցւոյ սփռելոյ ընդ ամենայն երկիր, կամ թէ ունի նա զմեծազոյն մասն և եթ, և ոչ զլի կատարեալ իշխանութիւնս զայս ծայրագոյն, կամ թէ այս իշխանութիւն նորա ոչ է սովորական և անմիջական, կամ ոչ ի վերայ ամենայն Եկեղեցեաց և ի վերայ միոյ միոյ ի նոցանէ, կամ ոչ ի վերայ ամենայն հովուաց և հաւատացելոց և ի վերայ իւրաքանչիւրոց նոցա, նզովեալ եղեցի:

ԳԼՈՒԽ Դ. — Յաղափառ անօհաւալ ժարդապետակեան +անապատապետին Հոռովզայ: — Ի նմին իսկ յառաքելական առաջնութեան, զոր քահանայապետն Հռովմայ իրեւ յաջորդ առաքելապատին Պետրոսի յընդհանրական Եկեղեցւոջ ընկալեալ ունի, բովանդակի և գերագոյն իշխանութիւն վարդապետութեան. և զայս այսպէս վարկուցեալ է ցանդ Աթոռն սուրբ. զսոյն հաստատէ յարատեւ սովորութիւնն Եկեղեցւոյ, և նորին իսկ Ժողովքն տիեզերականք, մանաւանդ այնոքիկ յորս Արեելք ընդ արևեմոից ի միութիւն հաւատոյ և սիրոյ միարան էին՝ յայտ յանդիման քարոզեցին: Քանզի Հարքն չորրորդի Ժողովչյն Կոստանդնուպօլսյ՝ զհետ զնալով նախնեացն շաւղաց, զայս հանդիսական հրատարակեցին գաւանութիւն՝ թէ առաջին փրկութիւն է զուղիղ հաւատոյ զկանոնն պահպանել, և քանզի ոչ է մարդ զանց առնել զլճոռով Տեառն մերոյ Յիառուսի Քրիստոսի, որ ասէ, Դու ևս վէմ, և ի վերայ այզր վիմի շինեցից վԵկեղեցի իմ, հաստատին ասացեալքդ և յարգեանց իրացն. քանզի յԱթոռն առաքելական միշտ անարատ պահեցաւ հաւատն կաթողիկէ, և քարոզեցաւ սըրբազանն վարդապետութիւն: Վասն որոյ ի սորա հաւատոյն և ի վարդապետութենէն չկամելով անջատել երբէք, յուսամք թէ ի միումն հաղորդակցութեան զոր Աթոռն առաքելական քարոզէ՝ արժանաւորք եղեցուք գտանիլ, յորում է անթերի և Ճշմարիտ հաստատութիւն Քրիստոսական կրօնից: Այլև հաւանութեամբ երկրորդի Ժողովչյն Լուգդոնի գաւանեցին Յցնք՝ թէ սուրբ Եկեղեցին հռովմէական զծայրագոյն և զլիակատար առաջնութիւն և զզլիսաւորութիւն առեալ է ի

վերայ համօրէն կաթուղիկէ Եկեղեցւոյ . զոր և խոստովանի ստուգութեամբ և խոնարհութեամբ՝ ընկալեալ գոլ ի նմին իսկ ի Տեսոնէ՝ յանձին երանելոցն Պետրոսի զիսաւորի առաքելոցն , որոյ յաջորդ է քահանայապետն Հռովմայ հանդերձ լիուլի իշխանութեամբ . և զոր օրինակ նա առաւել քան զայլ սրն պարտական է պաշտպան կալ ճշմարտութեան հաւատոյ , նյոնպէս ևս՝ եթէ երրէք ծագեցին իննդիրք ինչ զշաւատոց , նորա դատաստանաւն պարտին ընդունել զվճիռ : Դարձեալ և Փլորենդեանն ժողով սահմանեաց՝ թէ քահանայապետն հըռովմայ ճշմարիտ փոխանորդ է Քրիստոսի , և զլուխ համօրէն Եկեղեցւոյ , և ամենայն քրիստոնէից հայր և վարդապետ , և նմա աւանդեալ է ի Տեսոնէ մերմէ Յիսուսէ Քրիստոսէ՝ յանձին երանելոցն Պետրոսի՝ լիակատար իշխանութիւն հովուելոյ , տնտեսելոյ և զեկավարելոյ զԵկեղեցին ընդհանրական :

Այսմ հովուական պաշտաման կատարող լինել կամելով՝ նախորդքն մեր զանխոնջ աշխատութիւն յանձին կալան հանապազ, զի փրկարար վարդապետութիւնն Քրիստոսի առ ամենայն ժողովուրդս երկրի տարածեացի , և արթուն հսկողութեամբ գուն գործեցին՝ զի ուր և ընկալեալ իցէ այն՝ անխառըն և անարատ պահեսցի : Որոյ վասն վերադիտողքն համօրէն աշխարհի՝ թէ առանձինն և թէ ի ժողով հաւաքեալք՝ զշետ երթալով երկայն ժամանակեայ սովորութեան Եկեղեցւոյ և վաղնջուցն կանոնի , առաւելապէս զայնոսիկ ի վտանգաց որբ ի իննդիրս հաւատոյ ի վեր երևէին՝ յայս առաքելական Աթոռ մատուցին , զի անդ մանաւանդ կարծեսցին վնասքն հաւատոյ՝ ուրանօր չկարէ երբեք հաւատն պակասել : Այլ և քահանայապետքն հռովմայ՝ ըստ իւրաքանչիւր ժամանակացն և իրացն հանգամանաց պահանջելոց՝ մերթ ժողովս տիեզերականս կազմելով , կամ զկարծիս Եկեղեցւոյ սփուելոյ ընդ տիեզերոս ընդունելով , մերթ ի ձեռն մասնական ժողովոց , մերթ ևս այլովք ինչ նպաստիք՝ զորս Աստուածայինն մատակարարէր նախախնամութիւն , սահմանեցին սինդ ունել զայն ինչ իրս՝ զորս օգնականութեամբն Աստուծոյ ձանաչէին համաձայնս

ինել գրոց սրբոց և առաքելական աւանդութեանց : Քանզի և ոչ խոստացեալ է Հոգին սուրբ յաջորդացն Պետրոսի՝ զի նուրին յայտնութեամբն նոր ինչ վարդապետութիւն ի դուրս բերիցեն, այլ զի նորա օժանդակելով՝ զյայտնութիւնն աւանդեալ ի ձեռն առաքելոց կամ՝ զաւանդն հաւատոյ՝ սրբութեամբ պահեսցեն և հաւատարմութեամբ բացատրեսցեն : Զորոց և զառաքելականն վարդապետութիւն ամենայն Հարք պատուականք ընկալեալ, և սուրբ վարդապետքն ուղղափառք մեծարեալ և այնմ հետևեալ են, քաջ դիտելով զի Աթոռս այս սրբոցն Պետրոսի անարատ մնացեալ է ցանդ յամենայն մոլորութեանց լատ Աստուածային խոստման Տեառն մերոյ և Փրկչին առ գլուխն աշակերտաց իւրոց՝ թէ Ես աղաւեցի ըզ Հայր վասն քոյ, զի մի՛ պակասեսցին հաւատք քո . և գուերբեմն դարձցիս և հաստատեսցես զեղբարս քո (Ղուկ. ԻԳ. 52):

Եւ արդ այս ճշմարտութեան և անպակասելի հաւատոյ շնորհ Աստուածուստ պարզեալ է Պետրոսի և որոց յաջորդենն նմա յաթոռս յայս, որպէս զի զզերազոյն պաշտօն իւրեանց ի գործ գնիցեն ի փրկութիւն ամենեցուն, և զի համօրէն հօտն Քրիստոսի ի ձեռն նոցա պատսպարեալ ի թունալից Հրապուրանաց մոլորութեան, երկնայնոյ վարդապետին Ճարակաւն սնանիցի, և զի բարձմամբ պատճառաց հերձուածոյ՝ Եկեղեցին ողջոյն ի միութեան պահեսցի, և հաստատեալ ի վերայ հիմանն իւրոց՝ ի դրանց դժոխոց անվանելի մնասցէ :

Եւ քանզի ի սմին յայսմ ժամանակի, յորում մեծապէս կարօտութիւն է առաքելական պաշտամանս փրկաւէտն զօրութեան, ոչ սակաւք գտանին՝ որը հակառակ կան սորա իշխանութեանն, կարեւոր յոյժ համարիմք հանդիսաւոր եղանակաւ հոչակել զարտօնութիւնն՝ զոր Միածին Որդին Աստուծոյ հաճեցաւ լծորդել ընդ ծայրագունին հովուական պաշտաման :

Վասն որոյ Մկը՝ հաւատարմութեան յեցեալք յաւանդութիւնն ընկալեալ անդստին ի սկզբանէ Քրիստոսական կրօնից, ի փառս Աստուծոյ Փրկչին մերոյ, ի պայծառութիւն

կաթուղիկէ հաւատոյ, և ի փրկութիւն ժողովրդոց քրիստոնէից, հաւանութեամբ սրբազն ժողովոյս ուսուցանեմք և սահմանեմք՝ թէ մասն է հաւատոյ յայտնեալ առ ի յՆստուծոյ, զի քահանայապետն Հռովմայ յորժամ յամոռոյ խօսիցի, այս ինքն է յորժամ ի գործ գնելով զարաշտոն հովուի և վարդապետի ամենայն քրիստոնէից՝ իւրովն գերազյն առաքելական իշխանութեամբ սահմանիցէ զվարդապետութիւն ինչ զհաւատոյ կամ զվարուց՝ իրեւ զընդունելի ընդհանրական Եկեղեցւոյ, օդիականութեամբն Աստուծոյ խոստացելով նմայանձին երանելոյն Պետրոսի՝ զնոյն ունի անսխալականութիւն զոր համեցաւ Փրկիչն ունել Եկեղեցւոյ իւրում ի սահմանել զվարդապետութիւնս հաւատոյ և զվարուց բարեաց, և թէ յաղազս այսորիկ այնպիսի սահմանք քահանայապետին Հռովմայ անայլակաք են ըստ ինքեանց, և ոչ թէ ի հաւանութենէ Եկեղեցւոյ :

Եւ եթէ ոք մերումն այսօմ սահմանի հակառակել յանզընիցի, զոր Տէր մի՛ արասցէ, նզովեալ եղիցի \*):

(\*) Բնադիր կոնդահին՝ բաց ի զիայութեանց սրբոյ Աւետարանին նշանակելոց և ի նարքմանութեան առաջ անձ և այլ ևս շրեւուասան վիայութիւնս է Հարց և ի քողովոց և ի պապից Հռովմայ, և այն մեծաւ մասամբ այլադիւճաւու և բանադրուիչն, որումս ուսուցի և յառաջին Հերումն Հօրն Կէնէլի. և զի առքիւր+ Քիայութեանցն այնոցին առհասարակ են ի Լատին լեզու, առելուրդ համարեցաւ ի մէջ բերել և զնուանի ի հայելքն նարքմանութեան մերում:

## ԹՈՒԻՂԹ ԱՌ ՊԻՌՈՒ ԹՌ

Յազագ կանոնական նամակին նորս, որոյ սկիզբն է Հովհան յա-  
շխոեթական :

### Սրբագան Հայր

Առ Զերդ օրբութիւն գրել առեալ, զնոցն տամ ձեղ առ  
նուն պատույ՝ զոր և ձերդ Եկեղեցի շնորհէ. և ոչ հետազո՞ւ-  
տեմ՝ արժանաւո՞ր իցէք այնմ՝ թէ ոչ. Քանզի և սովորու-  
թիւն էր ի նախնումն Եկեղեցւոջ սուրբն կոչել զմիմեանս,  
ոչ եթէ յափշոտակել կամերով զպատիւն որ անկ է Աստուծոյ  
միայնոյ, այլ զի յուշ լիցի ամենայն ումեք՝ թէ հարկ ի վե-  
րայ կայ ջան ի գործ արկանել արժանի այնմ լինելոյ ըստ կա-  
րի. Ապա սեպհատականեցաւ ոբաղանդ անուն եպիսկոպոսաց, և  
հուսկ ի վերջէ պատրիարքաց :

Նախորդքն Զեր լնկալան յառաջնոց անտի տիեզերական  
ժողովոց զկոչումնս առաջին եպիսկոպոս Եկեղեցւոյ, իբր զի  
աթոռն ձեր գտանէր յառաջնորդն Մայրաքաղաքի այնր ժամա-  
նակի կայսերութեան. և զայս առաջնութիւնն պատույ և եկե-  
ղեցական իրաւանց ոչ զլանայր արդեօք ձեղ և ոչ մին յա-  
ռաքելական եկեղեցեաց, եթէ այնու շատանացիք՝ որով ամե-  
նայն եկեղեցիք առաքելականիք անուանէին զնեղ նախին պատ-  
րիք, և հաստատուն սովորութեամբ անուանիք պատույ՝  
ոբաղանդ և ոբաղանդ հայր ձեղ անկ լինէին օրինաւորապէս,  
ոչ ինչ հայելով յաստիճան անձնական սրբութեան ձերոյ :

Եւ իցէք դուք արդեօք արժանի կոչմանցդ այդոցիկ՝ յորմէ հետէ անկայքն ի հերձուած, և ընդ ձեզ արկիք ի նոյն զմի մասն Եկեղեցւոյ։ Ես ոչ կարծեմ։ Այլ քանզի Եկեղեցիքն ճշմարտապէս կաթուղիկեայք և առաքելականք ոչ գատեցին զձեզ, և ոչ գատապարտ արարին ցայսօր՝ գէմ պաշտօնական եղանակաւ, ոչ ունիմ ես իրաւունս համարելոյ զձեզ անկեալ ընդ կանոնական գատավճռով. վասն որոյ և կարող եմ համարել զձեզ իբրև զմի ի հայրապետաց Եկեղեցւոյ և տալ ձեզ զգուշութեամբ զանունն պատուայ՝ որ անմեկին է ի ձերմէ պաշտամանէդ, մանաւանդ մինչ ուղղակի ընդ ձեզ խօսիցիմ։

Կամ է ինձ, Սրբազն Հայր, ի թղթիս յայսմիկ զոր համարձակիմն զրել առ ձեզ, ի քննին առնուլ զնամնին կանոնական հրատարակեալ առ ի ձէնջ յաղագս գերագոյն քահանայապետութեան, զոր ընծայէք անձին ձերում, և յաղագս ծագման և արտօնութեանցն զորս համարիք թէ ունիցի քահանայապետութիւնն այն. և զայս քննութիւն արարից ես անդորր ոգուվ, և ըստ պատշաճի վայել չութեան։ Եթէ ներեալ իցէ ինձ ակն ունել՝ թէ թուղթս այս անկանելով անկցի ընդ ակամբ ձերով, աղասեմ ընթեռնուլ զսա աղատութեամբ անկեղծ և անկողմնասէր խղճի մտաց։ Եւ միթէ ոչ իցէ հընար ձեզ ի բաց դնել՝ գէմ առ սակաւ մի ժամանակ՝ զմեծապանծ խորհուրդն զորս արք շողոմարարք տան ձեզ անդադար զտեղւոյն և զաստիճանէն զոր ունիք յԵկեղեցւով, և վերծանել իբրև զմի ոք ի մահկանացուաց զոր ինչ զրէ առ ձեզ քահանայ ոմն անձնանուէր օգտից Եկեղեցւոյ, որ անցուցեալ է զիեանս իւր յուսումն վարդապետութեան աւանդելոյ մեզ ի Հարցն սրբոց ըստ առաքելական քարոզութեանց։

Եթէ ձեզ անհնար իցէ, Սրբազն Հայր, ճողոպրել զանձն ձեր յազգեցութեանց անտի որ շուրջ պատեալ են զձեօք, և նուիրել վայրկեանս քանի մի ի հետազոտութիւն ճշմարտութեան, արդահատեմ ես ի ձեզ յամենայն սրտէ իմէ, և երկնչիմ ի դատաստանէ անտի՝ զոր անձամբ յանձն ձգէք դուք։ Իցէ այն որպէս և է, այլ ես կատարեցից զպար-

տըս իմ։ և չէ ինչ ինձ փոյլթ՝ եթէ լուիցէք ինձ և կամ ոչ։ Քանզի հրատարակելով զթուղթս զայս՝ ոչ միայն ընդ Զերում սրբութեանդ խօսիմ ես, այլ և ընդ ամենեսեան զորս նամակն Զեր խարեսց կամ խարեսցէ։ Եթէ կարողացաց ես լուսառիել զի՞ որ միայն յեղբարց իմոց մոլորելոց, վաստակն իմ ոչ եղիցի ի կորուստ, և համարեցաց ընկալեալ զվարձ աշխատութեան իմց։

## Ա.

Յառաջ քան զամենայն առից ի քննութիւն զանուանս պատույ զոր եղեալ էք ի զլուխ նամակին ձերոյ, Պէսս Եպիսկոպոս։ Այդ իսկ է տիտղոսն օրինաւոր՝ որ միայն անկ է ձեզ յաստուածային իրաւանց՝ զօրութեամբ ձեռնազրութեանն զոր ընկալայք, և հիմն է այլոցն ամենեցուն տիտղոսից զօրս ունիցիք յանձնն։ Եպիսկոպոս էք գուք, այս ինքն է մի յեպիսկոպոսաց Եկեղեցւոյ կամ յեպիսկոպոսութենէ անտի։ և քանիօն իցէ, Սրբազն Հայր, եպիսկոպոսութիւնն յԵկեղեցւոց։ Աւանդութիւնն ող ջօյն ասէ մեզ աւանիկ բերանով մեծի եպիսկոպոսին Կարթագինեայ, Կիպրիանոսի ասեմ, թէ մի է եպիսկոպոսութիւնն, և ամենայն եպիսկոպոսունք զնոցն ստացեալ ունին ընկերաբար։ Եթէ գուք ոչ զնոցն եպիսկոպոսութիւն ունիցիք՝ զոր և այլք յեպիսկոպոսաց անտի, և եթէ ընկերաբար ընդ նոսին կամ կցորդաբար ստացեալ ունիցիք դայն ընդ այլոցն եպիսկոպոսաց, զիարդ իշխիցէք զլուխ այլոցն զանձն ձեր համարել։ Զիարդ վարկանիցիք զնոսա իրրու լոկ փոխանորդա ձեր կամ նուիրակս։ զիարդ իշխէք զլանալ անդամ նոցա զիրաւունս դատաստան առնելոյ զիրաց հաւատոյ, ևս և ընդ ձեզ ի միասին։ Այլ ասիցէք։ ես յաստուածային իրաւանց առեալ ունիմ արտօնութիւնս բազումն, և զօրութեամբ կամացն Աստուծոյ աղքիւր եմ եպիսկոպոսական իշխանութեան։ Եթէ այդպէս իցէ, գուք միայն ունիք ար-

գեամբք զեպիսկոպոսութիւն յԱստուածային իրաւանց, իսկ այլքն առ ի ձէնջ պատգամաւորին . և զիանդ ապա կարող էր ասել նախնականն Եկեղեցի ընդ սրբոյն Կիպրիանոսի՝ թէ եւ պիսկոպոսութիւնն մի է, և ամենայն եպիսկոպոսունք զնոյն ունին իշխանութիւն կցորդաբար : Զիանդ իցէ զի երանելին Հերոնիմոս զայսմանէ վարդապետելով ասէ՝ թէ Եպիսկոպոս ոք փոքրագունին անգամ ի քաղաք, որպիսի է՝ օրինակի աղագաւ՝ Եւգուբայն, զնոյն ունի իրաւունս և զնոյն արտօնութիւնս զօրս և եպիսկոպոսունք մեծացն աթոռոց, ընդ որս և Հռովման : Եթէ գուք աղքիւր իցէք եպիսկոպոսութեան, ուրեմն տիեզերական եպիսկոպոս իցէք . և միթէ ոչ ուսայք ի մեծէ եպիսկոպոսէն Հռովմայ, ի Գրիգորէ ասեմ մեծէ, թէ որ հետամուտ իցէ այսմ անուանակոչութեան աչեղերական եպիսկոպոսի, նման է արուսեկին . որ ընդողնէր զաթոռն Աստուծոյ . և փառասիրութիւն նորա ձգտի ի կողոպտել զեղբարս իւր յեպիսկոպոսութենէ իւրեանց : Եւ գուք տիեզերական եպիսկոպոս համարիք զանձն ձեր, ոչ ինչ հոգալով ըզշանթաձիգ նվովից երանելոյն Գրիգորի և համօրէն նախնական Եկեղեցւոյն՝ յորոյ ի զիմացն խօսէր նա,

Անունդ Եպիսկոպոս զոր յանձին բերէք՝ կրկնակի առնէ զձեղ դատապարտ . նախ այնու՝ զի յուշ առնէ զմեծ խորհուրդ միութեան եպիսկոպոսութեանն, որ չիմն է Ճշմարիտ սահմանագրութեան Եկեղեցւոյ . և երկրորդ այնու՝ զի առնուք զայն հանրական իմն եղանակաւ՝ առ ի ցուցանելոյ թէ եպիսկոպոս իցէք տիեզերական, այս ինքն է, որպէս մեծն Գրիգոր ասէ, նմանող և նախանձաւոր արուսեկին : Եւ ընդէ՞ր պարզապէս եպիսկոպոս զանձն կոչիցէք . քանզի չկը եպիսկոպոս ոք ընդհանրապէս, այլ ամենայն եպիսկոպոս պարտի ունել զամոռ իւր . և զի՞ է զի չանուանէք զանձն ձեր Եպիսկոպոս Հըռովմայ, որովհետև Հռովմէ աթոռ եպիսկոպոսութեան ձերոյ : Բայց ոչ այնպէս՝ զի համարիք թէ եպիսկոպոս իցէք՝ բացաձակ նշանակութեամբ ձայնիդ, իրու եպիսկոպոս համօրէն Եկեղեցւոյ, աղքիւր ամենայն իշխանութեան, ամենայն եպիս-

կոպոսական իրաւասութեան, լրումն և բովանդակութիւն եւ պիսկոպոսութեան և Եկեղեցւոյ :

Փառասիրութիւն այսպիսի ոչ ապաքէն ընդ ցնորս մոլորութեան իցէ դասելի :

Առ այսքաննեաւ ամբարտաւանութեամբ տես ինձ և ձեւ մի խոնարհութեան . ժառայ ժառայից Աստուծոյ : Յաւուրց անտի Գրիգորի մեծի եպիսկոպոսունք Հռովմայ զձեղ զայդ առնուն ի կիր : Գրիգոր զայդ անուն ընկալաւ ի ժամանակին՝ յորում բարեպաշտ կայսրն Սօրիկ ընծայէր զտիտղոսն արէնքրական եպիսկոպոսին Կոստանդնուպոլսոյ : Զիք երկրայութիւն զի Մօրիկ ընդ միտ անդամ չածէր՝ թէ քանի՞ մոլորութիւնք գտանին յայդմ ասացուածի : Քանզի Կոստանդնուպոլիս լեալ էր բնիկ մայրաքաղաք Հռովմէական կայսերութեան, կենդրոն կառավարութեան և բովանդակ տեսչութեան աշխարհին, համարեցաւ նա՝ թէ վասն հասարակաց օգտի Եկեղեցւոյ հարկ իցէ կազմել կենդրոն ինչ ներդրութութեան, և թէ կենդրոնն այն ոչ այլուր մարմի հաստատել՝ եթէ ոչ ի քաղաքին, ուստի քաղաքականն վարչութիւն շարժումն տայր ողջն իսկ կայսերութեան : Անունդ արէնքրական յաչս կայսերն բարեպաշտի ոչ այլ ինչ էր՝ եթէ ոչ նշանակ իրաւասութեան այնպիսւոյ որ ի գործ գնելոց էր կցորդութեամբ ամենայն եպիսկոպոսաց միանգամայն, և այն՝ հաստատութեամբ և հաւանութեամբ Եկեղեցւոյ : Մեծն Գրիգոր սաստկապէս ընդդէմ կքրեցաւ այնըմ անուանակոչութեան . ի վեր եհան զմոլորութիւնսն ծածկեալս ընդ այնու ձեռվ, և ոչ միայն չպահանջեաց զայն վասն անձին և վասն աթոռոցն իւրոյ, այլև յորդորեաց զայլ պատրիարքունսն, այս ինքն է զԱնտիոքայն և զԱղեքսանդրուն, բողոքարկու լինել զայնմանէ իբրև զահագին ոճրագործութենէ ընդդէմ եպիսկոպոսութեանն ողջոյն :

Պատրիարքունքն Կոստանդնուպոլսոյ յայնմ հետէ և անդրի վար արկին զտիտղոսն զայն . բայց յաչս նոցա ոչ աւելի ինչ կարեւորութիւն ունէր այն քան զայլ անհամար ճոխարանութիւնսն՝ որ սովորական իմն են արևելիայց, և ոչ ունին նշա-

Նակութիւն և ոչ մի : Իսկ Հռովմայ եպիսկոպոսունքն ոչ գտան  
նմանողք նախորդին իւրեանց Գրիգորի : Մի ոմն ի նոցանէ  
խնդրեաց յանօրէն և յանագործն կայսերէն Փոկայ, որ սպանն  
զՄօրիկ, զտիտղոսդ Տէւլբական, և չէ յայտ թէ ընկալեալ իցէ  
զայն . իսկ յաջորդք նորա դաւաճանեցին ևս զկայսերս Հռովմայեցւոց՝  
որ թագաւորէին ի Կոստանդնուպօլիս, և պսակեցին  
կայսր Հռովմայեցւոց յարկմուտս զմեծն Կարոլոս, և յափշտակեցին  
արտօնութիւնս բազումն, ընդ որս և զտիտղոս տիեզերական  
եպիսկոպոսի : Եւ աչա յետ իրը հաջարամեայ Ճակատամարտի դուք, Սրբազն հայր, պսակեցիք ի նորումն զշինուածնոցա՝  
վճռելով զանախալութիւնս քահանայապետաց Հռովմայ :

Զեն ինձ կամք պարզել զնել առաջի աշաց Սրբութեան ձերոյ զպատկիր ճգանց նախորդացն ձերոց յաճեցուցանել զիշխանութիւնն զոր յափշտակեալ էին, զժժուարութեանցն զորս կրեցին նոքա, և զշնարիցն զորս ի գործ եղին առ ի հասանել նպատակին իւրեանց . քանզի առ այս հարկ էր ի մէջ բերել զողջոյն իսկ զպատմութիւն Եկեղեցեացն արևմտից : Իմկամք այս էին միայն աստանօր, զի ցուցից եթէ խոնարհականն այն ձեր ասացուած, զոր մեծն Գրիգոր կարգեաց եղ առ կայսերական և Ճոխ անուամբ Տէւլբական, որ տուեալ էր եպիսկոպոսացն Կոստանդնուպօլսց, ոչ այլ ինչ է եթէ ոչ մնոտի իմն ձեւ բանի, ընդ որով ծածկեալ կայ անհնարին ամբարտաւանութիւն : Եւ որով հետեւ անսխալ հրատարակեցիք դուք զանձն ձեր, հարկ էր ձեզ, Սրբազն Հայր, ի բաց թողուլ զայն, և զայս փոխանակ այնր առնուլ ի կիր . «Պիոս եպիսկոպոս տիեզերական, անսընալ տէր և իշխան ամենայն քրիստոնէից» : Եւ զստոյգն այսու լինէիք խօսեցեալ : Ապա թէ ոչ, զիարդ իցէ ծառայ զձեզ անուանել, յորժամ դուք տէր և վարդապետ զանձն կոչեցէք և անսխալ վարդապետ : Տեսցուք արդ զայլս ի բառից կանխաբանութեան ձերոյ :

«Հասանաւ իւնամբ սրբոյ ժողովան, ։ Փողովն չարար ինչ դատաստան, այլ հաստատեաց ևեթ զայն, կամ թէ հաւանեցաւ, որպէս ասէքդ» :

Թոյլ նտուք դուք ժողովցին ի խորհուրդ մտանել, բայց  
այսու պայմանաւ՝ զի տացէ զշաւանութիւն իւր, յառաջագոյն  
դիտելով թէ մեծագոյն մասն ժողովականացն ի ձեր կողմն եղիցի։  
Քանի՞ մեծ է խտիրն, Սրբազն Հայր, ընդ ձերդ ժողով և  
ընդ ժողովս դարուցն առաջնոց։ Յառաջինն ի ժողովոց անտի  
ժողովն ինքնին հաստատէր զիւրն դատավճիռ։ և յորժամ եւ  
պիսկոպոսունքն ամենեքին առնեին զդատաստան ամենայն աղաւ  
տութեամբ, եպիսկոպոսունքն Հռովմայ ոչ ինչ ընդհատ յայւ  
լոցն ընդունէին զդատավճիռ նորին և հրատարակեին զայն իրա-  
րև զձայն Եկեղեցւոյ։ Խսէ այժմ դուք միայն էք որ առնեք  
զդատաստան, և ձերովդ իշխանութեամբ ևեթ հրատարակէք  
զայն։ օրէնսդիր դուք էք, և եպիսկոպոսունքն ունին միայն իւ-  
րաւունս տալոյ զշաւանութիւն իւրեանց հրատարակելոցն ի  
ձէնջ բանից։

Ի մոի եղեալ է ձեր շնորհ իմն առնել ժողովցն ձերում  
բանիւքդ այդոքիւք, զորս ի վեր այսր յիշատակեցաք։ և այսու  
քաջ քաջ յայտ արարիք, Սրբազն Հայր, թէ ժողովն այն  
ոչ էր ժողով։

Խսէք թէ բանք ձեր ուղղեալ են առ ամենեսեան որ գալոց  
են առ յապայս, և մշտնջենաւոր յէշատակ իրաց։ Եւ ապապայ  
սերունդք յիշխացն զայն անտարակոյս, և ոչ երբէք մոռաս-  
ցին՝ թէ գտաւ ուրեք երբէք եպիսկոպոս ոք այնչափ ամբար-  
տաւան, զի յանձն իւր շորթեաց զաստուածային իմն արտօ-  
նութիւն, և թէ ի մեծի ուրեք Եկեղեցւոջ, որ միայն Ճշմարիտ  
զինքն ճանաչէ, ահազին բազմութիւնն եպիսկոպոսաց յայն աս-  
տիճան վաստութեան խոնարհեցաւ, զի հաստատեաց զամբար-  
հաւածութիւնն զայն։ և թէ չգտաւ և ոչ մի ոք եպիսկոպոս։  
որ բողոք հարկանիցէ զայնմանէ։ Որք միանգամ ի ձերոցդ  
հաւատացելոց պահեալ իցեն տակաւին զմամն ինչ հաւատոյ՝  
յիշխացն անշուշտ, զի դուք գայթակղեցուցիք զնոսա, և բու-  
ռն արարիք նոցա կամ ի բաց կալ ի ձէնջ, և կամ արտա-  
քուստ միայն դաւանել հաւատ ինչ այնպիսի՝ զոր ոչ ունին  
ի սրտի։ Ենդամք Եկեղեցեացն Ճշմարտապէս ուղղափառաց,

որք անդստին ի բազմագարեան ժամանակաց հետէ ընդդէմ կքրեցան ամբարիշտ նորաձևութեանց հռովմէական աթոռոցն, յիշելով յիշեցն՝ զի դուք լցիք զչափն, և նորահնար վարդապետութեամբ ձերովք ստուգեցիք զբանն ասացեալ զաթոռոցն ձերմէ՛ թէ ցանդ ամբարհաւաճ և ի հերետիկոսական մոլորութիւնս ձգտի. թէ դուք փորձեցիք զիսորխորատն բաժանաման, զոր նախորդքն ձեր սկսեալ էին պեղել, և դուք անանցանելիք արարիք դայն. յիշելով յիշեցն՝ զի եթէ ոչ ինչ հայելով ի մոլորութիւնս նախօրդացն ձերոց զիջան նոքա ընդքրիստոնեայ եպիսկոպոսունս համարել զնոսին, զարդիս ոչ ևս կարեն զնոյն առնել, յորմէ հետէ փորձ փորձեցիք դուք ըստ օրինակի արուսեկին ամբառնալ զանձն ձեր հաւասար Աստուծոյ:

Թերեւս ասիցէք՝ արտօնութիւն անսխլառութեան պարզե իմն և եթի իցէ եթէ իցէ շնորհեալ յԱստուծոյ ձերումբ նուաստութեան. այլ ի զուր. քանզի այդու նոր իմն զործէք յանցանս, կցորդ ամբարտաւանութեան ձերոց ջանալով առնել զԱստուած: Եւ միթէ չգիտիցէք, Սրբազն Հայր, զի Աստուած զիառս իւր այլում ոչ տայ: Որովհետեւ Աստուած միայն է ճշմարտութիւն, նա միայն կարող է լինել անսխալ: Անսխալութիւնն է մի յէական ստորոգելեաց Աստուծոյ, և Աստուած չկարէ հաղորդել զայն արարածոյ իմիք՝ առանց զարարածն զայն աստուածացուցանելց: Դուք անսխալ զանձն ձեր կոչելով Աստուած անուանեցիք, և հաստատելովէ թէ Աստուած շնորհեալ է ձեզ զարտօնութիւնդ զայդ՝ յայտ առնէք թէ Աստուած հաղորդեալ է ձեզ զիւրն էութիւն: Եւ ահա այսպէս խորք ամբարտաւանութեան արկին զձեզ ի խորս հայցոյութեան:

## Բ.

Յետ զայսոսիկ խորհրդածութիւնս առնելց զմակազրութեանէ կանոնական նամակին ձերոց, մատիցուք ի յառաջարաննորին:

Ասէք դուք .

“ Հովհին յաւիտենական և վերադիտող (եպիսկոպոս) հոգւոց մերոց՝ առ ի զազատարարն զգործ փրկութեան մերոց , մշտնջնեաւոր առնելցյ , զեկեղեցի սուրբ կառուցանել սահ- մանեաց , յորում իրբե ի տան Աստուծոյ կենդանւոյ հաւա- տացեալքն ամենեքեան միոյ հաւատոյ և սիրոյ զօդին կա- պակցեալք միաւորենցին : ”

Սրբարե իսկ այսու նպատակաւ հաստատեաց Քրիստոս զիւրն Եկեղեցի : Ապա ուրեմն որք միանգամ փոխիցն զշաւատն աւանդեալ ի նմանէ , հակառակ ելանեն Քրիստոսի և գործոյ փրկութեան նորա , վնասակարը լինին Ճշմարտութեանցն յայտնելոց ի նմանէ , մինչդեռ պարտական էին զօդ իմն միութեան լինել ամենայն դարսոցն առաջնոց և վերջնոց՝ միութեամբ հաւատոյ , և զամենայն ազգս և ազինս ի մի վայր ածեալ : կազմել ի նոցանէ զմի միայն հօտ բանաւոր կերակրեալ Ճշմարտութեամբն Աստուծոյ : Արդ գիտէ ամենայն ոք , Սրբազն ձայր , զի նախորդքն ձեր ի հաղար ամաց հետէ աշխատ եղեն ի քանդումն գործոյն Աստուծոյ , և զուք ինքնին առաւել քան զայլն նպաստ եղէք այսմ՝ գործոյ բաժանման , եղծանելով զաւանդն հաւատոյ , հնարիելով վարդապետութիւնս նորանորս , և զմարդկային բան ձեր հակառակ ընդդէմ՝ զնելով բանին Աստուծոյ :

Քրիստոս մինչդեռ դառնայրն ի փառս իւր աղօթեաց առ հայր , որպէս և զուքդ ասէք , ոչ միայն վասն առաքիլոց , այլ և վասն ամենեցուն որք հաւատալոց էին ի նա բանիւն նոցա . աղօթեաց զի իցեն ամենեքեան մի՝ որպէս ինքն և հայր մի են : Բայց Քրիստոս յաղօթել անդ իւրում վասն ամենայն հաւա- տացելոց՝ չկամեցաւ երբէք զի այնու խափանեսցի աղատու- թիւնն մարդոյ : Քանզի չկամեր նա ունել յԵկեղեցւոջ իւրում ստրուկս անարդս որք կուրօրէն խոնարհեցուցանիցեն զգութիս իւրեանց , և ոչ իսկ ընդ ազգեցութեամբ Աստուածայնոցն բա- նից . այլ կամեցաւ զի մարդիկ ազատորէն տայցեն զշաւանու- թիւն իւրեանց Ճշմարտութեան ծանուցանելցյ : Միանգապամայն

և զայն գիտեր Քրիստոս՝ զի բազումք ի մարդկանէ ի պատճառս  
կարեաց կենցաղոյս չկարէին լինել փիլիսոփիայք ոմանքը . սմին  
իրի հաստատեաց և զշնարս փոխարրութեան ճշմարտութեան,  
որպէս զի անցցէ այն ազգէ յազդ՝ իբրև զժառանգութիւն իմն,  
և այնպէս պայծառ և յստակ իմասցի՝ զի միօրինակ ի միտ  
առնուցուն զայն տկարամիտքն և հանձարեղք : Եւ այս պահան-  
չելի սահման Աստուածային անխախտ պահեցաւ յընթացս ամաց  
ութշարիւրոց :

Արդ ով ոք արդեօք շփոթեալ խանգարեաց զայն : — Պա-  
պականն իշխանութիւն :

Քրիստոս ի պահպանութիւն նորին հաստատեաց զառա-  
քելութիւն, և կամեցաւ զի յԵկեղեցւոջ իւրում գտանիցին  
հովիւք մինչև ցկատարած աշխարհի : Դուք ինքնին ասէք զայն,  
և յաւելուք թէ կամեցաւ զի լինիցին հովիւք և վարդապետք :  
Եւ զի՞նչ արդեօք նշանակիցէ զանազանութիւնդ այդ : Ասէ  
իսկ սուրբն Պօղոս՝ թէ յԵկեղեցւոջ են առաքեալք, աւետա-  
րանիչք, հովիւք, վարդապետք, բայց և ամենեքեան այլ և  
այլ կոչմամք և աստիճանօք և պաշտամամբք զմի և զնոյն կազ-  
մեն քահանայութիւն : Թուի թէ դուք հովիւս և վարդապետս  
ասելով՝ զեպիսկոպոսունսն միայն իմանայք . քանզի յետ բա-  
նիցն այնոցիկ ածէք իսկցն ի վերայ՝ թէ «որպէս զի եպիսկո-  
պոսութիւնն ինքնին մի և անբաժանելի իցէ», . ապա յիշա-  
տակէք զքահանայսն՝ իբրու միջակայինս ոմանս ընդ եպիսկո-  
պոսունսն՝ հովիւս և վարդապետս, և ընդ ժողովուրդն, առ ի  
պահեցյ զմիութիւն հաւատոց :

Այս ամենայն ասացուածք սուտ են բոլորովին, Սրբազն  
Հայր : Քանզի քահանայք յԱստուածային իրաւանց հովիւք  
և վարդապետք են յԵկեղեցւոջ՝ հանգոյն եպիսկոպոսացն,  
որովհետ և Փրկիչն մեր զնոյնպիսի ետ իշխանութիւն եօթանասուն  
աշակերտացն իւրոց՝ զոր և առաքելոցն երկոտասանից : Ասէք  
թէ եպիսկոպոսունքն ի վեր են քան զքահանայս, զոր օրինակ  
և երկոտասան առաքեալքն ի վեր էին քան զիօթանասուն ա-  
շակերտսն, և թէ այս գասակարդութիւն յԱստուածային իրաւ-

ւանց իցէ . ընդ որ հաւանիմք և մեք : Բայց դուք յեղաշըլէք զսահմանն եղեալ յԱստուծոյ՝ յորժամ եպիսկոպոսութեանն միայնոյ սեպհականէք զշովուութիւն և զվարդապետութիւն :

Այսպէս ուրեմն անդէն իսկ իսկզբան կօնդակին ձերոյ յանադիման առնէք զմի ի մեծամեծ մոլորութեանց Հռովմէական Եկեղեցւոյ , որ ասէ թէ եպիսկոպոսութիւնն իցէ Եկեղեցի ուսուցիչ , և դուք բաժանէք զայն ի բազմութենէ անտի՝ որ պարտի ընդունել յեպիսկոպոսացն կուրօրէն զվարդապետութիւն և զտեսչութիւն , և բազմութիւնն այն կոչիցի Եկեղեցի ուսանող , և կազմիցի ի քահանայից և ի հաւատացելոց :

Այս մոլորութիւն տիրեալ ի Հռովմէական Եկեղեցւոջ առատահոս աղբեւր իմն եղել բազմապատիկ հերձուածոց : Քանդի զիրաւունս սեպհական Եկեղեցւոյ առհասարակ փոխարեկելով իմասն մի և եթ նորին՝ անհետ արարին զշնարաւանդութեան ճշմարտութեանն , զոր կամէք հաստատել Քրիստոս : Արք ոմանք եպիսկոպոսութեան անուամբ պատուեալք համարեցան ունել իրաւունս հարկ առնելոյ այլոց հաւատալը ըստ իւրեանց մտացն , և ելին ի մտի թէ վճիռքն սահմանեալք՝ ի խորհուրդս նոցա ունիցին զշնորհս անսխալութեան : Խշեցին նոքա կոչել զանձինս իւրեանց գործարանս Հռոգւոյն Աստուծոյ : Եւ այսպէս եղծին զեղծին զինդիրն անսխալականութեան , և զայն ինչ որ արդարեւ իմաստասիրական և բանաւոր իմն էր՝ դարձուցին և արարին հայհցանս և անհնարին անտեղութիւն :

Եւ յիրաւի . յի՞նչ հաստատեալ իցէ անսխալութիւն Եկեղեցւոյ : Միթէ ի դատավճիռոս անդամոց ոմանց՝ եպիսկոպոսութեան անուամբ պատուելոց : Ոչ ընաւ : Եպիսկոպոսունքն ևս հանգոյն այլոց մարդիկ են , ուստի և սխալականք իրքեւ զնոսա : Թէպէտ և միաբանիցին և կամ ոչ , թէպէտեւ վիճաբանիցին կամ ի խորհուրդ մտանիցին , և կամ վճիռինչ հատանիցին , կարծիք նոցա և դատավճիռք այնքան միայն ունին արժանիս՝ որքան տայցէ նոցա անձնականն իւրեանց կատարելութիւն : Եպիսկոպոսութիւնն ևս չէ և չէ անսխալական , որպէս և ոչ պապն : Յայսմ և եթ հաստատեալ կայ

անսխալութիւն, զի յայտնեալն ճշմարտութիւն անարատ պահպանիցի ի բովանդակ Եկեղեցւոջ ։ Ապաքէն քաջայայտ իմն է զի նաև արտաքոյ Աստուածային ազգեցութեան՝ ընկերութիւն ինչ բազմաթիւ տարածեալ ի զանազան տեղիս յորս պէսպէս իցեն բարք և սովորութիւնք և ախորժակք, անալլայլակ պահէ զվարդապետութիւնն՝ յորոց վերայ հիմնեալ իցէ ։ զի եթէ մասն ինչ այնր ընկերութեան ի մասնական ինչ վայրի կամիցի ընդդէմ կալ նմա, միւս մասն իսկցին բողոք հարկանէ զարդայլութենէն զոր կամիցի նա առնել ։ Այսպիսի ինչ է աւասիկ և քրիստոնէականն ընկերութիւն՝ որ կոչի Եկեղեցի ։ քանզի տարածեալ գոլով ընդ ամենայն տեղիս որոց պէսպէս են շահք պիտոյից, միայն այնու գտանի բաժանեալ՝ զի ընդդէմ կայ փոփոխութեանցն զորս առնիցեն յայնմ վարդապետութեան Եկեղեցիք ոմանք մասնաւորք ։

Այս աւասիկ առաջին պատճառ է որ իրաւացի գործէ զանուանեալն անսխալութիւն Եկեղեցւոյ ։ յոր թէ յաւելուցու ոք և զաստուածայինն ազգեցութիւն, որ չժողուցու միում միում ի մասնական Եկեղեցեաց խանգարել զվարդապետութիւնն յիւրմէ կողմանէ, և պահպանիցէ միշտ ի մէջ քրիստոնէից զմի Եկեղեցի հաւատացեալ և յարատել՝ յայտնապէս միաւորեալ ընդ ամենայն դարուց անդստին յառաջնոցն ժամանակաց, լաւ ևս ի միտ առցէ զի այն Եկեղեցի զուտ և անխառն պահեալ է զաւանդն յայտնութեան՝ առանց փոխելոյ, և առանց այլայլելոյ, այս ինքն է առանց մոլորութիւնս ի նոյն խառնելոյ, կամ թէ անսխալապէս ։

Ապա ուրեմն անսխալութիւնն ոչ եթէ արտօնութիւն ինչ է Աստուածային՝ տուեալ առն միում կամ բազմութեան մարդկան այսպէս կամ այնպէս կոչեցելոց, կամ թէ մասնաւոր ինչ Եկեղեցւոյ, այլ ամենայն հաւատացեալ քրիստոնէից՝ որ պահիցեն զաւանդն Աստուածային հաւատացեալ միանգամ քըրիստոնէիցն ժողովոյ ։

Եւ զոր իրաւունս ունիցին բնաւ Եպիսկոպոսունք անսխալականս լինելոյ ։ Եւ ոչ մի ։ Մի միայն պարտս ունին նոքա՝

եղեալ ի վերայ նոցա ի հովուական պաշտամանէն , այն իսկ է հսկել ի վերայ անվթար պահպանութեան վարդապետութեանն ի մասնաւոր Եկեղեցւոջ իւրեանց . յանդիմանել զվասակարութիւնն զորս այս ոք կամ այն գործիցէ նմին . գատապարտել զամենայն կարծիս որ հակառակ իցեն ողջամիտ վարդապետութեան , ոչ եթէ զօրութեամբ իշխանութեան իրիք զոր ունիցին ի վերայ այնր վարդապետութեան , այլ յանուն Եկեղեցեաց իւրեանց , որոց ինքեանք թարգմանք են և պատգամառոք :

Եթէ մողորութիւն ինչ ձգտիցի ի տարածանել յընդհանուրս , եպիսկոպոսունքն կարող են ի մի վայր ժողովել , զի ի միասին դատապարտ առնիցեն զմողորութիւնն զայն , մէն մի ի նոցանէ յանուն իւրումն Եկեղեցւոյ : Յայնժամ աւանիկ կազմեն նոքա ժողով արդարեւ տիեզերական : Յորժամ եպիսկոպոսունքն խօսիցին իրեւ զարձագանս ինչ յարատեւ հաւատոյ , և իւրաքանչիւր յանուն իւրոյ Եկեղեցւոյն , յայնժամ Եկեղեցին ողջոյն խօսի բերանով նոցա , և վճիռ նոցա կցորդ է անսմարտթեան նորին իսկ Եկեղեցւոյ :

Աստի զիւրաւ ի միտ առնուլ է թէ քանի իրաւացի իցէ անսխալութիւնն այսպէս իմացեալ , և թէ քանի մեծ է կրկին մողորութիւնն տիրեալ ի վերայ Եկեղեցւոյն Հոռվմայ ի խնդիրըն անսխալութեան եպիսկոպոսաց առելոց արտաքոյ քրիստոնէցն ժողովց , և պապին իսկ՝ առելոյ արտաքոյ եպիսկոպոսացն բազմութեան : Եպիսկոպոսականն անսխալութիւն ի հըռոռվմէական Եկեղեցւոջ եղեւ նախաղուռն պապական անսխալութեան , ընդ որ բնական իմն եղանակաւ լինէր մուտ գործել ի նոյն . վասն որոյ և դուք , Սրբազնն Հայր , սքանչելի իմն դիւրութեամբ անցանէք ի միոյ ի միւսն :

Ասէք դուք , եթէ եպիսկոպոսունք կարգեալ են ի պահպանել ի ձեռն քահանայից զմիութիւն Եկեղեցւոյ , և թէ Պետրոս ընկալաւ զառաջնութիւն առ ի պահպանել զմիութիւն ի բազմութեան եպիսկոպոսաց : Ապա ուրեմն առաքեալքն այն ինչ էին՝ համեմատելով ընդ Պետրոսի որ ինչ և քահանայիցն

համեմատութեամբ եպիսկոպոսաց, այս ինքնն է միջնորդ պահապանութեան միութեանն՝ որոյ կեղրոն էր նա: Զոր օրինակ եւ պիտիսկոպոսունքն յաջորդելոց էին առաքելոց, ընդ նմին և մի ոմն ի նոցանէ ունէր յաջորդել սրբոյն Պետրոսի: և դուք ոչինչ երկմուէք՝ թէ եպիսկոպոսն այն եպիսկոպոսն հոռվմայ իցէ: ռւստի և արժան իսկ չշամարիք ապացուցանել զայն:

Տերդ փոյթ ինսամոց այս միայն է՝ զի հաստատիցէք զարտօնութիւնս սրբոյն Պետրոսի: Քրիստոս կարգեաց, ասէք, զերանելին Պետրոս ի վերոյ քան զայլ առաքեալսն, որպէս զի ի նմա հաստատեցէ զմիութեանն սկիզբն մշտնջենաւոր (զեպիսկոպոսութեան և զեկեղեցւոյ), որպէս զի արասցէ զնա հիմն երևելի, և ի վերայ նորա կառուցի տաճարն յաւիտենական մինչև յերկինս ամբարձեալ:

Այսմ վարդապետութեան ձերում հաստատութիւն ի մէջ բերէք զբան սրբոյ ուրումն հոռվմայ եպիսկոպոսի՝ զեւոնի ասեմ մեծի (\*):

Աստանօր յուշ առնեմ ձեզ, Սրբազնն Հայր, զի չիք երբէք երանելցն Լւոնի ուսուցեալ զվարդապետութիւնն զըր ընծայէք դուք նմա: Արդարե գովեաց և բարձրացնոյ նա իրաւամբ զանձնական արտօնութիւնս սրբոյն Պետրոսի, այլ չասաց երբէք՝ թէ նա միայն առանց այլոցն առաքելոց հիմն եղեւ Եկեղեցւոյ, և զմուա անգամ չիք ածեալ նորա ընծայել եպիսկոպոսացն Հոռվմայ զանձնական արտօնութիւնս զլիսաւորին առաքելոց: Ապա ուրեմն դուք զբանս սրբոյն Լւոնի ի մէջ բերելով՝ կամեցայք պատրել զընթերցողս ձեր: որք թէ կամիցին հաւաստեաւ տեղեկանալ թէ ոչ ունէր զդաւանութիւն

(\*) Ուժ մէանդամ ի մէրազնեայցն ընթերցակաց + աջանուածու + իցեն եկեղեցական այսօր մօւնիւան, և նույն յուր մէծարանս սանին զլեան Յայն + և լատին + առանցաւարէ, սանին անշառաց քանոր նուացէ յաւանին այնազնեացն քոջունիւսմէ յիշագուայնիւն այնը եպիսկոպոսէ Հոռվմայ:

վարդապետութեանն զոր գուք ընծայէք նմին՝ կարող են ականարկել ի բնագիր անդր նորա :

Սուրբն Լեռն եպիսկոպոս էր Հռովմայ և ոչ այլ ինչ, որպէս յայտ առնեն զրուածքն նորա և գնացք : Ապա ուրեմն մի խառնավար առնէք զբանս ինչ նորին, այլ պատիկառեցէք ի վարդապետութենէ նորա՝ չիմանալով զայն այլ ընդ այլոյ :

Եւ արդ գուք, Սրբազն Հայր, այլափոխեալ էք զբնագիր սրբոյն Լեռնի, բայց և այլ ևս այլափոխութիւնս չարաշարս առնէք ի հետագայուն :

Զհերետիկոսական վարդապետութիւնն զոր ի մէջ բերիք՝ առաջի առնէք իրրեւ զաստուածային իմն, և համարիք զի դըրունք դժոխոց ջանան յաղթահարել զնա, և գուք պարտիք պաշտպան կալ նմին : Ներեցէք ինձ յուշ առնել ձեզ նախ զայս ինչ, զի ուրունտ դժոխոց կամ զօրութիւնք դժոխոց ոչ այն ինչ են զոր գուք կարծէք : Ի թիւս այնոցիկ՝ որ հակառակին վարդապետութեան ձերում՝ տեսանեմ նախ զայնպիսիս, որք զօրութեամբ բանական մտաց յարձակին ի վերայնորա : Արդ բանականութիւնն տուեալ է մարդում յԱստուծոյ . պարզեւ է այն Աստուծոյ, և ոչ թէ տուզք իմն դժոխոց առ մարդիկ : Բանականութիւնն էական մասն է կազմութեան մարդկայինս բնութեան . իսկ մարդն ոչ եթէ ձեռագործ է այսոյ ուրուք չարի, այլ արարած Աստուծոյ, որ զարդարեալ է զնա ազատութեամբ, իմացականութեամբ և բանականութեամբ՝ առ ի պաշտելոյ զնա : Այլ գուք ասէք՝ թէ որք միանգամ հերքեն զվարդապետութիւն աստուածային իշխանութեան պապին՝ մեղանչեն ընդդէմ բանականութեան իւրեանց : Եւ այդ իսկ է զոր հարկ ի վերայ կայ քննել . զի գուք դատաւոր էք միանգամայն և դատախազ, և ամենայն իրօք օրէն է հերքել զբանս ձեր :

Ի կարգի անդ հակառակորդաց վարդապետութեան ձերոյ տեսանեմ ես զբազմութիւն մեծամեծ Եկեղեցեաց, զԵկեղեցեացն արևելից ասեմ, զորոց չկարէք դուք ամբաստան լինել թէ նորաձեռութիւնս ինչ մուծեալ իցեն ի վարդապետութիւնս

հաւատոց . ևս և Եկեղեցիք արևմտից՝ որք բողոքեալ են ընդդէմ՝ նորաձևութեանց նախորդացն ձերոց , և ընդդէմ՝ գայաթական զեղծմանց՝ որք յամենայն ժամանակի երևեալ են ի պապական պալատանն : — Բացէ ի բաց մերժէք դուք զվկայութիւնս եկեղեցեացն այնոցիկ , զի հակառակ են նոքա ձեզ . բայց ինչիր այն է՝ թէ ունիցիք արդեօք իրաւունս ընդդէմ Եկեղեցեացն այնոցիկ ամենեցուն : Դատավճիռն ձեր ըստ ինքեան յայնժամ և եթ զօրէ ինչ , յորժամ ունելով ունիցիք զամենայն իրաւունս զորս թևակոխէք ունել . և այս իսկ է զոր զլանայ ձեզ ամենայն ոք :

Տեսանեմ ես և երրորդ իմն դաս հակառակորդաց վարդապետութեանն ձերոց . և նոքա գտանին ի ձերումդ իսկ Եկեղեցւոց : Ումանք ի նոցանէ կարծիս տալով ընդունել զայն , պայմանս այնպիսիս գնեն՝ որովք եղծանի բոլորովին . և այլք բացէ ի բաց ժմտեն զայն . և զայսպիսի հակառակորդս գտանեմ ես ի մէջ իմաստնագունից անգամ հաւատացելոց և ի մէջ եկեղեցականաց զլխովին : Եւ սոքա ամենեքեան քրիստոնեայ հակառակորդք ոչ միայն զօրութեամբ բանական մտաց հելքեն զձերդ վարդապետութիւն , այլ զօրութեամբ վարդապետութեանն որ յարաժամ լեալ է յԵկեղեցւոջ անդստին ի սկզբանէ :

Եւ սակայն իշխէք դուք , Սրբազն Հայր , պնդել ի ձեսջ կողմանէ՝ թէ վարդապետութիւնն ձեր համաձայն իցէ վաղընչուց և հաստատոն հաւատոյ տիեղերական Եկեղեցւոյ : Արդարեւ իսկ այնպիսի իմն ստապատիր ասացուած է այդ՝ զի ընկարեմ ես ի միտ առնուլ՝ թէ զիարդ յանդգնեցայք բարբառել յանդիման ամենայն աշխարհի : Պարտ իցէ ինձ արդեօք համարել՝ թէ գիտելով զիտէք դուք զստութիւն նորին : Այլ պատկառելով ի ձերմէ ալեորութենէդ՝ չկամիմ զայդ կարծել . ապա թէ ոչ , հարկ լինէր ստախօս զձեղ անուանել : Զիարդ ապա կարողացայք դուք ասել զայդ : Քանդի յանդէտս ընկալարուք զստութիւնս՝ զորոց արք անդգամք կամեցան արկանել ի վերայ ձեր զպատասխանատուութիւն : Եւ արքն այնորիկ

քաջաճանօթք են ամեննեցուն, թէպէտև թաքթաքուր շըջին և կեղծաւորին, և առ աչս մարդկան հետախաղաղ իմն լինին. Օձք են նոքա, որք սպրդեալ սողոսկեն ամենայն ուրեք ի գաղտնիս, եղուիթքն են նոքա՝ որոց ջան ի մոի եղեալ է ի վտանգ զձեղ արկանել և աստուածացուցանել զձեղ՝ առ ի զանձինս աստուածացուցանելց, ընծայելով ձեղ իշխանութիւն այնպիսի՝ յորում ինքեանք և եթ վայելեսցեն. Արքն այնոքիկ գարշելիք՝ նոքին իսկ են որ թելաղբեցին ձեղ զանխոչեմն ստութիւն, զորոյ ընկալարուք գուք զպատասխանատուութիւն, որպէս և զայլ ամենայն ստութիւնսն զորս նշանակեսցուք մեք ի ձերումն կոնդակի :

## Գ.

Յառաջին իտանելույն Երանելույն Պէտրոսի յառաջնութիւնն առաջեւ լոցն ուստու : Այս խորապիր է, Արքազան Հայր, առաջին զլխոյ կոնդակին ձերոյ :

Միտ զիք աղաչնմ, զի ձայնդ առաջնութիւնն երկրայական է, Քանզի սուրբն Պետրոս կարող էր լինել առաջին յառաքեալս թուական կարգաւ, և յայնժամ այլք յառաքելոց անտի հաւասար լինելն նմա իշխանութեամբ, իսկ նա լինէր առաջնուն է մշջ հասաւասրից : Այլ և կարող էր լինել առաջին ի պատճառս արտօնութեանց ինչ կամ անձնական կատարելութեանց, առանց աւելի ինչ իշխանութեան : Դարձեալ կարող էր ունել զառաջնութիւն հանդերձ իշխանութեամբ իւկը՝ առանց ունելոյ այնր աղագաւ զօրութիւն ինչ այնպիսի՝ զոր գուքն կամիք : Եւս և կարող էր առաջին լինել բացարձակ իշխանութեամբ ըստ ձերումի կամաց, բայց առանց այսր պայմանի՝ զի իշխանութիւնն այն անցանիցէ ժառանգութեամբ առ եպիսկոպոս ոք առանձինն աթոռոց . քանզի մարդ իսկ էր իշխանութեանն այնմիկ անցանել ի ձեռս Խկեղեցւոյ որ աւանդէր զայն արժանաւորագունի ումեք :

Եթէ ապացուցանէիք դուք թէ սուրբն Պետրոս ընկալաւ զառաջնութիւն ինչ ընդհանրապէս, սակայն և այնպէս ոչ կարէիք հասանել նպատակի ձերում։ Բայց դուք արժան անգամ չհամարիք ապացուցանել զայն, այլ անցանէք իսկոյն յառաջնութենէ անտի յիշխանութիւնն, և յիշխանութիւն բացարձակ, առանց իմանալոյ անգամ զի ի միոցէ ինդրոյ յայլ ինդիր անցանէք ։ որով և առնէք իմաստակութիւն թանձր յոյժ, և լուծանէք զսկզբնական կանոն անգամ տրամաբանութեան։

Վասն որոյ ուսուցանէն և յայտ առնէն հռչակաւ՝ թէ Քըրիստոս Տէրն մեր խոստացաւ և ետ ուղղակի և անմիջապէս երանելցն Պետրոսի զառաջնութիւն իրաւասութեան ի վերայ համօրէն Եկեղեցւոյն Աստուծոյ։

Ուսուցանէք և յայտ առնէք, Սրբազան Հայր, բայց ոչ ապացուցանէք ։ զոր հարկ իսկ էր առնել վասն ամենեցուն նոցա (որպիսիք ոմանք բազումք են յոյժ՝ ևս և ի ձերումէ Եկեղեցւոյ) որք ոչ հաւատան լոկոյ բանին ձերում։ Միթէ առտգէտսն և առ մորեկրօնս ևեթ խօսեցաք, որք հաւատայցեն կամ կեղծիցեն հաւատալ ամենայնի զոր դուքդ կամիցիք։ Ապա ուրեմն ոչ ունէիք պէտո այդքան հանդէս և հռչակ ընծայելոյ ուսուցանելոյն ձերում և յայտարարութեան։ Քաջայտ իմն է՝ զի առ հակառակորդս իշխանութեանն ձերոյ խօսեցաք։ արդ զի՞նչ նշանակիցեն վասն նոցա բանքդ ձեր, ուսուցանէն և յայտ առնէն։ Ապաքէն նոքա ապացոյցս պահնեցն, զորս դուք ոչ ետուք նոցա։

Ճշմարիտ է զոր ասէքն՝ թէ ունիք բանիցն ձերոց վըկայութիւնս յաւետարանէ։ բայց և զայն զիտէք՝ զի հակառակորդքըն ձեր ոչ իմանան զբանս աւետարանին ի նոյն միտս յորում և դուք։ Եւ ո՞յր բանքն արդարացի իցեն, ձե՞րդ թէ նոցայն։ Ապաքէն այս ինդիր յառաջ քան զայն ամենայն պարտէր առնուլ զլուծումն, որով տայիք ապացոյցս զորս բոլորովին մոռացեալ էք։ Կրկնեցէք որչափ և կամիք զվկայութիւնսն արու ես վէմ,, ելն ելն, Արածեա՛ զոչխարս իմ,, ելն ելն.

ոչ ինչ շահիք այնու. քանզի հակառակորդքն ձեր պնդեն և հաստատեն՝ թէ դուք բոլորովին այլ ընդ այլց իմանայք ըզ-նոսին : Ասէք դուք արդարև՝ թէ «Կաթուղիկէ Եկեղեցին ցանկ իմացեալ է զբանսն զայնոսիկ որպէս դուքդ իմանայք» : Բայց մի թէ չգիտից զի հակառակորդքն ձեր վաղու ևս զնորին հակառակն հաստատեալ են, և հաւաստի արարեալ՝ զի վկայութիւնք նախնի հարց և նախնի ժողովոց, զորս ի մէջ բերեն աստուածաբանքն ձեր, կամ ի հիմանց հնարեալք են և կամ այլայլեալք և խարդախեալք, կամ թէ յայլ միտս իմացեալք բոլորովին, և ոչ ըստ մտաց հեղինակացն : Կամ թէ կամակար մոռք արդեօք ընծայէք անձին ձերում ստութեամբ զվկայութիւն նախնի Եկեղեցւոցն, որ յայտնաբարբառ բանիւ դատապարտ առնէ զձեղ : Եցէ այն որպէս և է, սակայն արք զգօնամիտք չկարեն հաւանել ընդ բանս ձեր :

Յետ խօսելոյ ի խորագրի անդ բանիցդ զլոկոյ առաջնութենէ, անցանէք յընթաց բանիդ յարացնութեն իրաւուառնեան, և ապա ի նզովմն՝ որովք վախճան առնէք այնմ զիխոյ : Յառաջ ևս մատուցեալ ասէք՝ թէ սուրբն Պետրոս կարգեցաւ զլուխ ամենայն առաքելոց, և երեկի զլուխ բովանդակ զինուորեալ Եկեղեցւոյ : Այսպէս աչա կամաւորապէս խառնակէք ընդ միմանս զգաղափարս առաջնութեան, իշխանութեան և բացարձակ իշխանութեան :

Ցաւ է ինձ, Սրբազան Հայր, տեսանել զի այսպէս առ ոտն հարկանէք զքաջայայտ սկզբունս ուղիղ մտաց, որպէս զի հաստատիցէք զառաջարկութիւն մի անկարելի : Եւ մի՛ լիցի ինձ հերքել զբանս ձեր . քանզի և զի՞նչ շահ անտի : Ամենայն բանք ձեր հաղարիցս և բիւրիցս անգամ շանթահարեալ են ի բանական մտաց, ի բազմահմուտ արանց, և ի հաստատուն վկայութենէ Եկեղեցւոյ : Ծատ համարիմ մատնցոյց և եթ առնել, որպէս արդ իսկ արարի, թէ խառնակէք դուք ընդ միմանս իննիրս երիս, որոց ոչ է բնաւ կցորդութիւն ընդ իրերաց :

Յաւելից աստանօր և դիտողութիւնս քանի մի զերկուց վկայութեանց Աւետարանին՝ զորս ի մէջ բերէք :

Դիցուք թէ արդարեւ ձայնս վէճ՝ յառաջնումն վկայութեան անկ է սրբոյն Պետրոսի, թէպէտ և իրօք ոչ իցէ այնպէս : Արդ զի՞նչ այտի . ոչ ապաքէն այս՝ թէ խոստացաւ Քրիստոս սրբոյն Պետրոսի՝ զի նա եղիցի հիմն, յորոյ վերայ շինեսցի Եկեղեցին : Սակայն սուրբ գիրն ազդ առնէ մեզ՝ թէ խոստումն այն կատարեցաւ յերկոտասաննեսին առաքեալմն, որք են, որպէս և սուրբն Յովհաննէս ասէ, երկոտասան հիմունք Եկեղեցւոյ : Առաքեալն վերկոտասաննեսին ևս յիշատակէ նովին անուամբ . ապա ուրբմն սուրբն Պետրոս ոչ ունէր զանունն զայն արտաքոյ այլոցն կարգի : Ի նմին վկայութեան խոստացաւ Քրիստոս սրբոյն Պետրոսի՝ տալ նմա զիականս արքայութեան երկնից, այս ինքն է դիշխանութիւն յեկեղեցւոջ . արդ Ե՛րբ կատարեաց նա զիսոստումն իւր . — յորժամ ետ զիականսն կամ դիշխանութիւն ամենայն առաքելոց իւրոց միանգամայն փչեաց ի նուսա և ասէ . “առեք հոգի սուրբ , ևն :

Ո՞ւր արդեք տեսիք գուք , Սրբազն Հայր , թէ Քրիստոս տուեալ իցէ սրբոյն Պետրոսի միայնոյ իշխանութիւն ինչ բոլորովին տարբեր յայլոցն : Ապաքէն և ոչ ուրեք : Եւ աչա վասըն այսորիկ ուսուցին հարքն սուրբք՝ թէ սուրբն Պետրոս դաւանելովն զԱստուածութիւն Քրիստոսի՝ խօսեցաւ ի դիմաց համօրէն առաքելոց , և թէ Քրիստոս արար զիսոստումն իւր ամենայն առաքելոց ի դէմն Պետրոսի :

Երկրորդ վկայութիւնն տկարագոյն ևս է ըստ ամենայնի : Եւ նախ պարտ էր ձեզ զիտել , Սրբազն Հայր , զի Պետրոս ուրանալովն երիցս անգամ զվարդապետ իւր՝ կօրուսեալ էր զառաքելութեանն պաշտօն . յայնժամ ի միտ առնուիք՝ թէ զի՞նչ իցէ երրակին յայտարարութիւն սիրոյ , զոր յետ յարութեան իւրոյ հարցանէր ցնա Քրիստոս . յայնժամ ապա զիւրին լինէր ձեզ ի միտ առնուլ՝ թէ բանքն “Սրածեա զգառինս իմ , արածեա զոշխարս իմ” , ոչ այլ ինչ նշանակեին՝ եթէ ոչ զվերստին կարգումն սրբոյն Պետրոսի ի շարս հովուաց Եկեղեցւոյ : Այնչափ հեռի էին բանքն ի շնորհելոց առաքելոյն արտօնութիւնս ինչ գերազանցս , զի և տրտմեցաւ նա ի լուր

բանիցն փրկչին : Այս իմաստ բանից Աւետարանին զոր ի մէջ բերի ըստ Հարցն սրբոց , առաւել ևս պարզի բանիւքն զոր ասց Քրիստոս . “Արդ եկ զինի իմ ”, որ է ձև կոչման յառաքելութիւն : Ապա ուրեմն վկայութիւնն յորում համարեցաք գուք տեսանել արտօնութիւնս մեծամեծս և գերազանցս , ոչ այլ ինչ է եթէ ոչ վերստին ընդունելութիւն , վերստին հաստատութիւն սրբոյն Պետրոսի : Մի գուցէ կամիցիք գուք և խորհուրդ ինչ նկատել ի ձայնսդ հառանիւ և աշխարդ : Եւ կարի իսկ քաջ՝ քանզի մարդահաճոյ աստուածաբանքն ձեր և շողոմարարք ասացեալ են ձեզ՝ թէ ձայնդ հառանիւ զհաւատացեալ նշանակէ , և ձայնդ ուխտէր զեպիսկոպոսունս : Ըստ ոչ բախտի ձերում , սուրբ զիրն զնոյն և զմի իմաստ ընծայէ երկոցունցդ ևս բառից . քանզի ընդ առաքեալն խօսելով Քրիստոս ասէր ցնոսա անխտիր . “Աչաւասիկ առաքեմ ես զձեզ իբրև շնչառու ի մէջ գայլոց ”. և կամ այսպէս . “Առաքեմ զձեզ իբրև ոդունիս ի մէջ գայլոց ”. Ապա ուրեմն աւետարանիչքն շտեսին ինչ ի բանսդ խորհրդաւոր իմաստ այնպիսի : Այլ և , Սրբազն Հայր , աստուածաբան ոմն եղուիթ և յոյժ պապական , Մալտոնաթ ասեմ , հաւաստի առնէ՝ զի յորժամ խտիր ինչ զնիցէք ընդ ոչխարս և ընդ գառինս , ի ծաղը շարժէք զարս իմաստունս : Եւ զայս ասացեալ է նորա ի մեկնութեան աւետարանին Յովհաննու , որպէս կարող էք ստուգել ի մատենէ անտի նորա :

Թուի ինձ , Սրբազն Հայր , թէ չիցէ ինչ պիտոյ աստանօր յերկարել ի վիճաբանութիւն հմտական զերկուցդ զայլոցիկ վկայութեանց . քանզի ոչ ունին նորա բնաւ ամենելին զօրութիւն ինչ ապացուցի . և սակայն գուք ի վերայ նոցին կառուցեալ էք զփառամոլն շինուած ամենայն արտօնութեանցը ձերոց և անսխալութեան ձերոյ :

Դ.

Հասաք ահաւասիկ յերկրորդ զլուխն կոնդակին ձերց՝ որ  
մակազրի, Յաղախ յարարելեց առաջնութեանն Պետրոսի յանշնու  
ժուն ուն այսուզը գուացն Հռովհաց :

Աստանօր բացայատազոյն ևս բանիւք խօսիք դուք զարտօ-  
նութեանց սրբոյն Պետրոսի : Յառաջին զլուխն առաքեալն  
այն ասացաւ ունել զառաջնութիւն իրաւասութեանն, և եղեւ  
պետ առաքելոց, և Ճշմարիտ գլուխ Եկեղեցւոյ : Յերկրորդումն  
կոչէք դուք զնա “պետ և գլուխ առաքելոց, սիւն հաւատոց,  
Հիմն Եկեղեցւոյ անպակասելի, և ընդունող փականաց արքայու-  
թեան երկնից”, Երթալով երթայք և աճեցուցանեք զբանս  
ձեր՝ մինչ հեռանայքն ի վկայութեանց անտի զորս ի մէջ բե-  
րեք, և յորս չեք ինչ բնաւ այնպիսի :

Բեր արդ տեսցուք եթէ զիարդ տրամարանիցէք առ ի ցու-  
ցանելոյ՝ թէ արտօնութիւնքն ընծայեալք ի ձէնջ սրբոյն Պետ-  
րոսի՝ անցեալ իցեն ի քահանայապետ Հռովհայ :

Հարկ ի վերայ կայ զի առաջնութիւն սրբոյն Պետրոսի  
հաստատեալ ի փրկութիւն և ի յարատե օգտարերութիւն  
Եկեղեցւոյ լեալ իցէ յարատեական իմն եղանակաւ յայնմ  
Եկեղեցւոջ : Արդ չեք ասէք, երկրայութիւն՝ զի այս առաջնու-  
թիւն տևեալ իցէ անընդհատ ի յաջորդս նորա յեպիսկոպո-  
սունս Հռովհայ բազմեալս յաթոռն հիմնեալ ի նմանէ, ոռո-  
գեալ արեամբ նորա, յորոյ վերայ կեայ նա և նախագահ բազ-  
մեալ կայ : Եւ ի հաւաստիս այսր ասացուածոյ ի մէջ բերէք  
զկործս ժողովոյն Եփեսոսի, և զթուղթ սրբոյն Պետրոսի Ու-  
կիարանի առ Խւտիքէս :

Տեսցուք արդ նախ՝ եթէ որպիսի՛ ինչ իցէ զօրութիւն բա-  
նից հեղինակացն զորս ի մէջ բերէք, և թէ մարթացայք ար-  
դեօք գտանել ի նոսա զոր ինչ ցանկայքն գտանել :

Ասէք դուք նախ՝ թէ առաջնութիւնն զոր համարիք թէ ու-  
նէր սուրբն Պետրոս՝ հաստատեալ իցէ յարատեակ իմն եղա-  
նակաւ յԵկեղեցւոջ : Երկրորդ՝ թէ եպիսկոպոսունք Հռովհայ

ժառանգեալ իցեն զայն վասն այնորիկ զի յաջորդք են առաքելցին :

Եւ արդ զի՞նչ ինչ ասիցէ ի վերայ միոյ միոյ ի բանից այտի ժողովն Եփեսոսի՝ զոր ի վկայութիւն կոչէք : — Ոչ ինչ բնաւ ամենեին : Զի՞նչ ինչ ասիցէ Պետրոս Ուկիաբանն զնոցին իրաց : — Ոչ ինչ բնաւ ամենեին : Զիարդ ապա, Սրբազան Հայր, իշխիցէք դուք ի վկայութիւն կոչել զնոսա : Վրիս պակա՞ւ արդեօք եթէ խարկանօք՝ ոչ գիտեմ . բայց աղետալի իմն է տեսանել՝ զի հետազոտէք դուք զայդափիսիս ի գրուածս վաղեմիս որք դատապարտ առնեն զձեզ : Թոյլ տուք ինձ ապա, Սրբազան Հայր, զարմանալ ընդ այն՝ թէ զիարդ իշխեցիք դուք ասել հրապարակաւ՝ թէ չիք երկբայութիւն՝ զի առաջնութիւն սրբոյն Պետրոսի, որպիսի դուքդ սահմանեցիք զայն, անցեալ իցէ ժառանգութեամբ յեպիսկոպոսունս Հռովարայ :

Մեծարոյ և առաքելական Եկեղեցին արևելեան բացէ ի բաց մերժէ, և միշտ մերժեալ է և' զառաջնութիւնն զայն և' զյաջորդութիւնն յոր դուքդ թեւակոլսէք : Մեծամեծ Եկեղեցիք քրիստոնէիցն արևմտից անջատեցան ի Հռովմայ հերքելով և մերժելով զիրկին մոլորութիւնդ զայդ՝ յոր նախորդքն ձեր մղեն ընկենութին զնոսա ի միջին դարս : Այլ և ի ձերումդ իսկ Եկեղեցւոյ աստուածաբանք իմաստունք և պատմաբանք և փիլիսոփիայք և քննաբանք անհամար բազմութեամբ անդստին իսկզբնաւորութենէ պապական իշխանութեան յիններորդ դարէ մինչև յմեր աւուրս՝ քննադատեցին, ամիովիեցին, և յայտնապէս իսկ հերքեցին զարտօնութիւնսն զորս ընծայէք դուք սրբոյն Պետրոսի, և զորս եպիսկոպոսունքն Հռովմայ սեպհականէին անձանց իրեւ զժառանգութիւն առաքելցին այնուրիկ :

Մնան ի ձեր կողմն միանձունք ոմանք և եթ միջին դարու, եղուիթքն, և խումք մի տգիտաց կրօնամղեց՝ որք պատրաստ են ի հաւատալ ամենայնի զոր ինչ և կամիցիք՝ առանց քըննութեան և առանց հաւանութեան մտաց :

Եւ չէ իսկ հնար թէ չգիտիցէք դուք այսմ այսպէս լինել զիա՞րդ ապա կարողացաք ասել՝ թէ չիք ոք որ երկմտիցէ ընդ ծշմարտութիւն բանիցն ձերոց :

Աստանօր դարձեալ ի վկայութիւն կոչեք զերանելին Նեռան, ի ցուցանել թէ սուրբն Պետրոս ունի զտեսչութիւն տիեզերական Եկեղեցւոյ յանձին յաջորդացն իւրոց : Դարձեալ ասեմ, Արքազան Հայր, թէ Եպիսկոպոսն այն Հռովմայ ոչ երբէք ուսուցեալ է զվարդապետութիւնն զոր ընծայէք դուք նմա : Գովաբանէ նա զսուրբն Պետրոս, բարձրացուցանէ զեկեղեցին Հռովմայ զպատուեալն մարտիրոսութեամբ զիսաւորի առաքելոցն, բայց ոչ երբէք ընծայէ սրբոյն Պետրոսի իշխանութիւն ինչ վերագոյն քան զայլոցն առաքելոց . ոչ երբէք ասէ նա՝ թէ Եպիսկոպոսն Հռովմայ զօրութեամբ կարծեցեալ ժառանգութեան առաքելոցն ունիցի իշխանութիւն ինչ տիեզերական յԵկեղեցւոջ : Ուստի և չէ մարթ ստուգութեամբ ի վկայութիւն կոչել զնա ձերումդ կարծեաց :

Ի վերջոյ ասէք դուք ի կոնդակին ձերում բանս ինչ հանգունատիպս ասացուածոյ իմիք սրբոյն Երանոսի, և այլափոխէք զայն անարժան եղանակաւ :

Յաղագս այսորիկ ասէք, այս ինքնն է ի պատճառս յաջորդութեան սրբոյն Պետրոսի, յամենայն ժամանակս Հարկ եղեալ է զի Եկեղեցին ողջոյն, այս ինքնն Հաւատացեալք ամենայն աշխարհաց զիմեսցն յԵկեղեցին Հռովմէական՝ ի պատճառս Հզրագոյն զիսաւորութեան նորա :

Սուրբն Երանոս ոչ խօսի զյաջորդութեանէ սրբոյն Պետրոսի յԵկեղեցւոջն Հռովմայ, այլ միայն զընդհանրական աւանդութեանէ յԵկեղեցւոջ . ասէ նա՝ թէ ոչ կարելով առաջի առնել ի մատենի իւրում զաւանդութիւն ամենայն Եկեղեցեաց, ընտրեալ առնու ի նոցանէ զերիս զիսաւորս, զՀռովմայն, զԵփեսոսին և զԶմիւռնայ, Եկեղեցին Հռովմայ յայն սակս իսկ նըշանաւոր է քան զայլոն, զի քաղաքն այն մայր լինելով քաղաքաց կայսերութեանն, Եկեղեցին ողջոյն՝ այս ինքնն են Հաւատացեալք ամենայն աշխարհաց անդր զիմէին : Այսպէս ահա

աւանդութիւն Եկեղեցւոյն Հռովմայ էր իբրու բովանդակութիւն իմն աւանդութեան համօրէն Եկեղեցւոյ . քանզի առաքելական աւանդութիւն և հաւատ պահեալ էին ի նմա ի ձեռըն հաւատացելոց ամենայն աշխարհաց :

Ապա ուրեմն գուք, Սրբազնն Հայր, բոլորովին այլ ընդ այլոյ իմաստ ընծայեալ էք բանից սրբոյն Երանոսի : Այն չէ շատ, այլ և յաւելուք իբրև բանս Երանոսի զառաջիկայսդ, զոր չիք բնաւ նորա ասացեալ . “ Որպէս զի յաթոռս յայս, յորմէ պատուական հաղորդակցութեանն իրաւունք յամեննեսեան զեղեալ ընթանան հանգըն անդամոց ի զլուխ անդր կցորդելոց, ի մի միաբանութիւն մարմնոյ յարեացին , :

Եւ իցէ՞ արդեօք հնար, Սրբազնն Հայր, զի գուք հաւանեալ իցէք ձեռնազրել զկոնդակ մի՝ յորում այզափիսի խարդախանք զտանին : Աներկիւղ համարձակութեամբ ասեմք մեք՝ թէ ամօթալի իմն է այլափոխելի ձեր այգակս զգրուածս պատկառելի վարդապետաց՝ առ ի կցորդս առնելոյ զնոսա մղորութեանցն ձերոց . Քազումք խառնավար արարին ի Հռովմէական Եկեղեցւոց զբան սրբոյն Երանոսի . բազում անդամ չարաչար թարգմանեցին զայն և չարաչար մեկնաբանեցին՝ առ ի զտանելոյ ի նմին զկերպարանս ինչ կարծեաց նպաստաւորս պապական իշխանութեան . բայց ոչ երբէք և ոչ ուրեք այլափոխեալ էին զայն այդքան անարժան եղանակաւ՝ որպէս զուքն արարիք ի կոնդակիդ ձերում :

Միւս ևս վկայութիւնքն զորս ի մեջ բերէք՝ չեն ինչ ձեզ աւելի քան զայլն նպաստաւորք : Եւ սակայն յայնպիսում կարեոր զրուածի, որպիսի է կոնդակդ ձեր, ի մեջ բերէք զուք զնոսին իբրև զշօրագոյն փաստս յապացոյց առաջարկութեան ձերոց : Յորմէ զիւրին է ի միտ առնուլ՝ թէ նըքան ունէիք իրաւունս ասելոյ՝ թէ Եկեղեցին յամենայն ժամանակի ի ձեռն վարդապետաց իւրոց ուսուցեալ իցէ զվարդապետութիւնն զոր գուք առաջի արարիք :

Քաջայայտ է իբրև զլոյս արեգական՝ զի աւանդութիւնն Եկեղեցւոյ դատապարտ առնէ զձեզ, որովհետև չկարէք զիմել

յոմանս ի միշտակաց նորին առանց Խարդախելոյ զնուսա :

## Ե.

Եւ արդ այր ոք բարեմիտ չկարէ բնաւ խելամուտ լինել՝ թէ զիա՞րդ կարողացայք դուք ի խօսել անդ զզօրութենէ և զպատճառաց առաջնութեան քահանայապիտին Հռովմայ ասել համարձակ՝ թէ ի ձեր կողմն իցեն վկայութիւնք սուրբ գրոց և վճիռք եալիսկոպոսաց Հռովմայ և տիեզերական ժողովոց ։ Նախնի եալիսկոպոսունքն Հռովմայ, որք ի գրի հարեալ են ըզ-վարդապետութիւն իւրեանց, ի սրբոյն Կղեմայ մինչեւ ի մեծն Գրիգոր, դատապարտ առնեն զձեղ, Դատապարտուն զձեղ եօթն ժողովքն տիեզերականք, դատապարտէ զձեղ սուրբ գիրըն։ Այլ և վճիռ ժողովոյն Փլորենտիոյ՝ զոր դուքն նորոգէք, դատապարտ առնէ զձեղ։

Երկու մասունքն են այնր վճռոյ. առաջին այն՝ որ տայ պապից անուանս պատուոյ հոյակապս, որք որպէս թէ եկեալ իշեալ իցեն առ նոսա ի սրբոյն Պետրոսէ. և երկրորդն այն՝ որ ունի զայս ամփոփումն սոսկալի. «Համաձայն սահմանաց և սրբազան կանոնաց տիեզերական ժողովոց»։

Այս ամփոփումն դործ է արեւելեայցն ոմանց որ գտան ի ժողովի անդ։ Քանզի կամելով նոցա վախճան առնել ժողովցն, յորում ոչ ունէին ազատութիւն և ոչ մի, այլ և պարտասեալ գոլով ի բռնութեանց և յանարժան գնացից պապիցն ընդ նոսա, հաւանեցան կերպարանօք իմն ընդունել զպապականն վարդապետութիւն. բայց և զայնպիտի յաւելին ամփոփումն բանից՝ որ ի չիք գարձուցանէ խսպառ զշաւանութիւն իւրեանց. իբր զի քաջայայտ իսկ է՝ զի տիեզերական ժողովքն դատապարտ առնեն զանուանս պատուոյ՝ զորս պապն ընծայէր անձին իւրում յառաջնումն մասին այնր վճռոյ։ Ապա ուրեմն արևելիայքն ծաղր արարին զՀռովմայ մինչեւ դատապարտ ևս առնիցն զնա յորժամ ի ձեռս բերցն զաղատու-

թիւն իւրեանց : Այսքան է ահա զօրութիւն վճռոյն այնորիկ նորոգեց առ ի ձենջ . և դուք ոչ իմացեալ զխորհուրդ ամբ փոփման արևելեայցն՝ ի զրի հարկը զայն ի գատապարտութիւն ձեղ :

Խրոխտացեալ ձերովքդ ողորմելի փաստիւք՝ պանծայք ու սուցանել և յայտ առնել, որպէս թէ տեառն տնօրէնութեամբ Եկեղեցին Հռովմէական ունիցի ի վերայ այլոցն ամենայն Եկեղեցեաց զառաջնութիւն հասարակ իշխանութեան, և թէ այս իշխանութիւն իրաւասութեան քահանայապետին Հռովմայ ստուգիւ եպիսկոպոսական է, և անմիջապէս ստացեալ ունիցի զայն :

Այդ ասացուած ձեր, Սրբազնն Հայր, յուշ ինձ արկանէ զըսանս մից ուրուք ի նախնի եպիսկոպոսացն Հռովմայ, Գրիգորի ասեմ մեծի, որ սեղանակապտութիւն իմն համարէր զընծայելն անձին զեպիսկոպոսութիւն ի վերայ համօրէն Եկեղեցւոց : Ընդ զըշաւ նորա զիզարարդեալ կուտակեցան բանք առհազինք ի նկարագրել զամբարտաւանութիւն առն՝ որ յանդունիցի թէակոխել յեպիսկոպոսութիւն այնպիսի : Եւ սակայն դուք, Սրբազնն Հայր, ընծայէք զայն անձին ձերում : Ձեռաներեց լինելով յեպիսկոպոսութիւն տիեզերական՝ դուք, Սրբազնն Հայր, ըստ բանից մեծին Գրիգորի գտանիք լինալ նեռն և արուտեակ և ստորանայ : Ոչ եթէ ես ինչ եմ՝ որ զտիտղոսոդ զայգոսիկ տամ ձեղ, այլ բերանն յորմէ ելեալ են բանքդ այնպիսի ունի իշխանութիւն, զօրոյ գժուարաւ կարէք ուրանալ զզօրութիւնն :

Որպէս զի մի՛ ոք հակառակեացի ասացուածոյն ձերում, սկսանիք դուք ասել՝ թէ հովիւքն, որպիսի՛ և իցեն արարողութիւնն նոցա և աստիճանք, պարտական են հնազանդել ձեղ իբրև հպատակք, ոչ ինչ ընդհատ ի հաւատացելոց . թէ հնազանդութիւնն նոցա ձգի ոչ միայն յիրս հաւատոց և վարուց, այլ և յամենայն բարեկարգութիւնս և ի տեսչութիւն Եկեղեցւոց, և թէ այս պարտիք հնազանդութեան տարածեալ ձզն ընդ ամենայն երկիր : Եւ այսպէս համարիք դուք, Սրբազնն

Հայր, զանձն ձեր բացարձակ տէր և իշխան ամենեցուն յամենայնի և ամենայն ուրեք . ապա ուրեմն և աստուած ոչ իւիք ի վեր է քան զձեզ :

Ըստ ձերումի կարծեաց՝ յայսմ տիեզերական գերազահու-  
թեան հաստատեալ կայ միութիւնն Եկեղեցւոյ և այսու կա-  
տարի ասացեալ ի Փրկչէն, «Մի հօտ և մի հովիւ» : Զայս  
Քրիստոսի է ասացեալ Որդւոյն Աստուծոյ զանձնէ իւրմէ, և  
դուք համեստութեամբ իմն ընծայէք անձին ձերում : Ապա ու-  
րեմն չիք երկրացութիւն՝ զի Աստուած համարիք զանձն ձեր :

Եթե յառաջ բերելոյ զայսպիսի սրբապիղծ վարդապետու-  
թիւն՝ պնդէք դուք թէ այս իսկ իցէ կաթուղիկէ ճշմարտու-  
թիւն, յորմէ ոչ ոք կարէ խոտորել՝ եթէ կամիցի ունել զդա-  
ւանութիւն ճշմարիտ և հասանել ի փրկութիւն : Ապաքէն  
պարտ էր ձեզ յուշի ունել՝ թէ Աստուծոյ միայն է առնել  
զդատաստան : Եթէ ճշմարիտ ևս լինէին բանք ձեր, ոչ ունեկք  
դուք իրաւունս դատելոյ և ոչ զոր . ևս առաւել չունեկք  
իրաւունս դատապարտ առնելոյ : Եւ զի առնէք, յափշտակէք  
աչա և զնոր իրաւունս՝ որ անկ է Աստուծոյ միայնոյ :

Ձեր գուշակեալ իմն է զառարկաւթիւնն զոր ի վեր անդր արա-  
րի ձեզ, թէ զի՞ է զի սեպհականէք անձին ձերում զեպիսկոպո-  
սութիւն . որոյ վասն ի վերայ ածէք՝ թէ եպիսկոպոսունքն են  
ճշմարտիւ հովիք՝ յաջորդք առաքելոց, և թէ չկամիք դուք բնաւ-  
նուազել զիշխանութիւն նոցա . և առ այս վկայ ի մէջ բերէք  
զմեծն Գրիգոր, և զթուղթ նորա առ Եւլողիոս Աղէքսանդրա-  
ցի : Ապա ուրեմն Ճանաչէք դուք, Սրբազն Հայր, զգեղեցիկ  
թուղթն զայն, յորում բացայսյոտ բանիք դատապարտի ձե-  
րը վարդապետութիւն . և սակայն համարձակիք ի մէջ բերել  
անտի խօսս քանի մի յամբուժեալ միտո, այս ինքն է նովին  
ոճով՝ որով ի մէջ բերէք և զայս ի վկայութեանց : Բայց  
եթէ ընթերցեալ էր ձեր զթուղթն ողջոյն, մի թէ իշխէիք ա-  
ռանց շառագնելոյ այլափոխել զիմաստս բանիցն զորս ածէք  
ի մէջ : Մեծն Գրիգոր ասէր յայտնապէս . «Ես զնոյն եպիս-  
ոս կոպոսութիւն ունիմ զոր և այլքն յեպիսկոպոսաց . և մի՛ եր-

,, բէք լիցի ինձ յանձն առնուլ զոր և է անուն պատուց, որ  
,, թուիցի մեղանչել իրաւանց եպիսկոպոսութեան եղբարցն ի-  
,, մոց և ընկերակցաց : ,, Խսկ դուք ասէք . Ես եմ ճշմարիտ  
եպիսկոպոս տիեզերական . այլ ամենայն եպիսկոպոսունք հրապա-  
տակք իմ են, և ինձ պարտին հնագանդել յանենայնի . միայն  
թէ չկամիմ զի հովուական իշխանութիւն նոցա նուազութիւն  
ինչ կրեցէ : Եւ զիարդ համարիցիք դուք՝ թէ ըստ սրբոյն Գլ-  
րիգորի բանիցն խօսիցիք :

Ոչ կամիք զի իշխանութիւն եպիսկոպոսաց նուազութիւն  
ինչ կրեցէ . բայց յի՞նչ միտս : Եպիսկոպոսունքն են նուիրա-  
կըք ձեր և փոխանորդք . իշխանութիւն նոցա ձերդ խսկ իշխա-  
նութիւն է, զոր հաղորդէք նոցա որքան և ախորժիցէք : Իշ-  
խանութիւնն եպիսկոպոսական եթէ նուազեսցի ինչ իւիք, նուա-  
զի անշուշտ և ձերն : Այսպէս ահա կամիք դուք պատկառելի  
գործել զիշխանութիւնն եպիսկոպոսաց, Եւ զիարդ համարիցիք  
խօսել ըստ բանից սրբոյն Գլրիգորի :

Կամիք դուք, Սրբազն Հայր, զի բացարձակ իշխանու-  
թիւնն ձեր մի՛ իւիք խափանեացի : Ապա ուրեմն զեր ի վերոյ  
ամբառնայք զանձն ձեր քան զամենայն աշխարհական իշխա-  
նութիւնն . դատապարտ առնէք զամենայն քննութիւն՝ զոր իշ-  
խանութիւնքն այնոքիկ կամիցին առնել զործոցն ձերոց և դա-  
տավճռոց . դատապարտ առնէք զամենեսեան որք միանգամ  
իշխանիցն խորհել և ուսուցանել՝ թէ աշխարհական իշխանու-  
թիւնք ունիցին իրաւուն ինչ խափանելոյ երբէք զգործադ-  
րութիւն իշխանութեան ձերոյ, և զհրամանս զորս տայցէք  
հովուաց և հաւատացելոց : Կամիք դուք կազմել պետութիւն  
ինչ մեծ տիեզերական, որոյ զլուկ իցէ ձերդ իշխանութիւն,  
և ձերդ օրէնք, և հակառակ ելանիցէ այն որում և իցէ իշխա-  
նութեան՝ որ համարձակիցի զիոքրագոյն ինչ անդամ արգելու  
ընդդէմ դնել գործադրութեան ձերումք զերագոյն հրամանի :

Եր երբեմն զի նախորդքն ձեր դաշինս համաձայնութեան  
կոէին ընդ աշխարհական պետութեանց, և կէս նպատակի դա-  
շանցն այնոյիկ էր գործադրութիւն իշխանութեան նոցա՝ բա-

բեխառնեալ իրաւամբքն զորս ունէին պետութիւնքն այնդիկ : Դուք ինքնին ևս արարիք ոչ սակաւ դաշխնս համաձայնութեան , որք վիժածից նմանեցին . քանզի ինդրէիք յայտ յանդիմանութեամբ նուածել զբաղաքականն իշխանութիւն ընդ ձերովդ : Իսկ յաւուր յայսմիկ պատառէք դուք զամենայն դաշնագիրս , և գեր ի վերոյ անցանէք քան զամենայն պետութիւնս և զկառավարութիւնս նոցա և զօրէնս : Ի ձերումի տիեզերական թագաւորութեան ամենայն պետութիւն , որչափ և մեծ իցէ , զաւառ մի և եթ է ի ձերոց գաւառացդ . և որք իշխանութիւնն նոցին՝ ոչ այլ ինչ պարտին լինել՝ եթէ ոչ փոխանորդք ձեր ըստ ժամանակաւորին , որպէս և եպիսկոպոսունքն ըստ հոգևորին : Զիք և չիք երրէք մարդկեղէն ամբարտաւանութեան հասեալ յայտ չափ աստիճանի :

Եւ զի մի՛ ինչ մնայցէ տեղի երկրայութեան զընդարձակութենէ իշխանութեանն զոր ընծայէք անձին ձերում , վճիռ հատանէք վկայութեամբ բանից Պիոսի Զ , երկրորդի ժողովցն Լուգդոնի , և Նիկողայոսի Ա , թէ քահանայապետն Հոռովմայ գերազոյն դատաւոր է հաւատացելոց , թէ յամենայն եկեղեցական իննդիրս մարթ է դիմել ի դատաստան նորա , թէ իշխանութիւն առաքելական աթոռոցն զեր ի վերոյ է այլոցն ամենցուն , և չէ մարթ մերժել կամ ընդ քննութեամբ արկանել զդատաստանս նորա , և թէ ոչ է հնար և ոչ իսկ բողոք ունել զդատողութեանց պապիցն ի ժողով տիեզերական իրրե յիշխանութիւն վերագոյն քան զբահանայապետին Հոռովմայ :

Այսպէս ուրեմն ունել ունիք դուք զբացարձակ իշխանութիւն՝ ոչ միայն իրրե զթագաւոր , այլ և իրրե զդատաւոր , զամենայն ասեմ իշխանութիւնս սահմանադրականս , օրէնսդրականս և դատաւորականս՝ ամենայն լրութեամբ նոցին ազատ յամենայն քննութենէ :

Ինքն իսկ Աստուած ոչ է ցուցեալ երրէք զայդքան պահանջմունս : Նորա կամք թագաւորել ի վերայ մարդկան ազատաց , և ի ստեղծանել իւրում զնոսա տուեալ է նոցա զազատութիւն իրրե զէական ինչ մասն բնութեան նոցա : Իսկ դուք

կամիք ստրուկս ունել հպատակս և հնաղանդա՝ ընդ սպառնաւ լեօք ի կորուստ գնալոյ նոցին և կամ մահու մեռանելոյ :

## Է.

Մինչև ցայժմ ի ձեռներիցութիւնս մեծամեծս թեակոխեցիք դուք, Սրբազն Հայր : Ումանք ի նախորդացն ձերոց արդէն զնոցն արարեալ էին ըստ ամենայնի կամ ըստ մասին . և մեք կամակար մոտօք հաւանիմք՝ թէ դուք հրապարակաւ յայտ առարիք և եթ զայն ինչ՝ որ միշտ եղեալ էր հիմնական դաղափար պապիցն :

Ձեզ վերապահեալ էր աւելի ինչ ևս առնել, և պսակել զշնուածն ամբարտաւանութեան զոր պապքն աշխատ եղեն կանգնել ի հազար ամաց հետէ : Եւ զայս արարիք ի զլուխն մակազրեալ ի ձէնջ յաղափս անոխու վարդապէտութեան ժահանայալութիւնն չուովայու :

Սկիզբն առնէք բանիցն ձերոց այնպիսի և այնքան անճոռնի ասացուածով, զի հարկ է բազում անգամ ընթեռնուլ զայն առ ի հաւատալոյ նմին : Քանզի ասէք . յամենայն ժամանակի սովորութիւն Եկեղեցւոյ, վճիռք տիեզերական ժողովոց, մանաւանդ այնոցիկ՝ որք եղեն մինչդեռ արևելք և արևմտաք ի միութեան էին, յայտ առնեն թէ իշխանութիւնն վարդապետական իբրու հետեւութիւն իմն է առաջնութեան՝ զոր ունիքահանապետութեան Հռովմայ ըստ որում . յաջորդ սրբոյն Պետրոսի առաքելոցն պետի :

Հաստատուն սովորութիւն տիեզերական Եկեղեցւոյ, և սահմանիք եօթանեցունց տիեզերական ժողովոց՝ որք զԵկեղեցին առաջի առնէին, ոչ միայն չասեն բնաւ թէ եպիսկոպոսն Հըռովմայ ունիցի զվարդապետականն իշխանութիւն, այլ և ոչ զայն ասեն՝ թէ ունի զառաջնութիւն իշխանական : Եւ այս այնպէս քաջայայտ է այնոցիկ որք փոքր ի շատէ զիտակ իցեն պատմական և վարդապետական յիշատակարանաց Եկեղեցւոյ յութեակ դարսն առաջինս, զի ոչ ոք ոչ կարէ բանաւորա-

պէս երկմոնել զայսմանէ : Զիա՞րդ ապա արժան իցէ իմանալ զերկոսին ասացուածս ձերոյ Սրբավնութեանդ, թէ քահանայապետն Հոռովմայ ունէր ըստ Հասարակաց վկայութեան զառաջնութիւն իշխանական, և թէ իշխանութիւնն վարդապետական կամ վարդապետութիւնն համարեալ էր ընդհանրապէս իբրև հետեւութիւն նորին :

Դուք ինքնին իսկ զիտէք՝ թէ չէ այդ այդպէս . քանզի առ ի գտանելոյ նմին փաստս՝ հարկադրեալ էք իջանել մինչև ցիններորդ դար, մինչև ցժողովակ մի հաւաքեալ ի խարերայից ոմանց սաղրանօք եպիսկոպոսին Հոռովմայ . զոր և կոչէք դուք պանծալի անուամբս չորրորդ տիեզերական ժողով կ. Պօլսոյ . Ժողովակն այն, զոր Եկեղեցին Հոռովմէական յամառեալ պնդի անուանել ութերորդ ժողով տիեզերական՝ ոչ երբէք ընկալեալ է յարևելեան Եկեղեցւոջ, այլ կոչի անարժան ու անարժան ինչւն . և սակայն դուք ի վկայութիւն կոչէք զայն, որպէս թէ առաջի առնիցէ զարևելս՝ որպէս և զարևմտեան քրիստոնեայս :

Դիմեն յապացոց այդպիսի՝ խոստովանել է թէ չեք ի միջի բնաւ այլ ինչ ապացոց, և թէ անձոռնի ասացուածն ձեր զուրկ է յամենայն պատմական հիմնաւորութեննէ, թէպէտ և ջանայցէք դուք գտանել ինչ այնպիսի :

Այլ և ոչ ժողովն այն զոր ի վկայութիւն կոչէք՝ սահմանեալ է վարդապետութիւն ինչ այնպիսի : Ասել ասէ ժողովն զայս ինչ՝ իբրև զիրական ինչ պատահումն՝ թէ մինչև ցաւուրըս իւր վարդապետութիւնն հաւատոյ անխառն մնացեալ է ի Հոռովմէական Եկեղեցւոջ : Եւ միթէ մի և նոյն ինչ իցէ ասեն ուրական ինչ դէպս, և ճանաչեն զիրատուն ինչ : Մի թէ ժողովդ այդ կ. Պօլսոյ ասացեալ իցէ երբէք՝ թէ Եպիսկոպոս ոք Հոռովմայ ոչ բնաւ անկցի ի Տերեաթիկոսութիւնն : Ոչ : Ասացեալ իցէ թէ նորա են իրաւունք վարդապետելոյ յԵկեղեցւոջ : — Ոչ բնաւ : Ապա զիա՞րդ կոչիցէք զնա ի վկայութիւն բանից ձերոց : Դիցուք թէ ճշմարտիւ խոստումն Քրիստոսի վասն հաստատութեան սրբայն Պետրոսի ի հաւատոս կատարեցաւ արդեամբք յա-

ուաքելական աթուան Հռովմայ մինչև ցիններորդ դար (որ չէ այնպէս . միթէ զշետ գայցէ՞ ի բանէ այտի թէ ժողովն այն սահմաննեալ է՝ թէ աթուան այն ոչ երբէք պակասեացի ի խոստամանէ անտի, Զայդ չիք նորա ասացեալ : Եւ ընդէ՞ր ապա ընծայէք նմին սահման այնպիսի : Յօգնականութիւն ձեղ կարգայք զիկայութիւն մի անզօր ամեննեին , և խարդախէք զիմաստ բանիցն զոր առնուք ի նմանէ :

Պնդէք դուք՝ թէ յերկրորդումն ժողովնն Լուգդոնի Յոյնք գաւաննեցին՝ թէ Հռովմէականն Եկեղեցի ունի զառաջնութիւն ընդհանրական , և թէ Հարկ է խնդրոց հաւատոյ առնուլ ըշսահման դատաստանաւ նորին : Եւ զի՞ է զի ասէք ընդհանրապէս Յոյնէ, մինչդու յայտնի իմն է՝ զի սակաւաթիւ արեւելեայքն ածեալք ի Լուգդոն ի Կայսերէն վասն շողզքորթելց պապին , և ընդունեց ընդ նորա ձեռն զօգնականութիւն արեւմտից ընդդէմ Տաճկաց , ոչ էին բնաւ պատգամաւորք արեւելան Եկեղեցւոյ , և ոչ առաջի առնէին զնա : Մի թէ ոչ զիտիցէք՝ զի արքն այն սոսկականք սակս այնորիկ և եթ տեղի ետուն բանից ինչ պապին , զի կամակատար լինիցին կայսերն , և թէ արեւելան Եկեղեցին ողջոն մերժելով մերժեաց զնոսաւ : Ապա ուրիմն զիարդ կարողացայք դուք զվճիո երկրորդի ժողովն Լուգդոնի առաջի առնել իրրեւ զահման ինչ սեպհական արեւելից և արեւմտից առհսասարակ :

Դարձեալ , աւանիկ ըստ ձերումդ սովորութեան խարդախեալ էք և զիմաստ սահմանի երկրորդի ժողովցն Լուգդոնի : Ոչ ցուցանէք դուք՝ թէ յորում տեղւոջ գործոյ ժողովոյն գտեալ իցէ ձեր զբաննն զորս ի մեջ բերէք : Ընդէ՞ր արդեօք . քանզի չիք ինչ այնպիսի անդանօր՝ որպիսի դուքն կամիք : Ծատ իսկ է յակն արկանել զգործս ժողովցն այնորիկ ի հաւատախ բանիցս : Եթէ ժողոմն այն ունէր ինչ բնաւ զօրութիւն , թերևս աշխատ լինէի ես հաստատել զբանս իմ . այլ քանզի ոչ ունի բնաւ ամեննեին զօրութիւն ինչ ի մասին ընդհանրական դաւանութեան Եկեղեցւոյ , ի զուր իցէ ինձ ժամավագալ լինել ի հերքումն սահմանաց նորին :

ԶՀԵՍ ԺՈՂՈՎՐԴՅՆ Լուգդոնի ի մէջ բերէք զժողովն Փլորենտիոյ, բայց կարծ ի կարծոյ և եթ, և ի բաց թողարք զհաշաւ կաւոր ամփոփումն՝ որ խսպառ խոկ չքացուցանէ զվճիռ նորին։ Քաջ քաջ զգուշանայք ապաքէն չասել՝ թէ զայն վճիռ ձեռնազլեցին ոմանք միայն ի Յունաց անտի եկելոց ի զիմաց արեւելեան Եկեղեցւոյ։ Թէ նոքա սոսկալի բոնութիւնս կրեցին ի կողմանէ պապին։ Թէ ընդ զնալ իւրեանց յաղատութիւն՝ ուրացան զայն ամենայն զօր ինչ արարեալ և ձեռնազրեալ էն։ Թէ գատապարտ եղն նոքա յԵկեղեցւոյն Յունաց առհասարակ, որ մի միայն աւանդապահ վարդապետութեան իւրոյ ծանեաւ զիմաստունն և քաջակրորդ Մարկոս Եփեսացի, որ ոչ ձեռնազրեաց և ոչ ի միումն ի վճռոց Փլորենտիոյ, և բողոքեաց ընդդէմ կեղծ ժողովոյն այնմիկ։ Ապա ուրեմն եթէ ժողովն Փլորենտիոյ լինէր ևս ի կողմն ձեր, զոր իշխանութիւն կամ զօրութիւն ուղղափառութեան մարթ էր ընծայել նմին։

Եթէ կամք էն ձեղ ապացուցանել՝ թէ Եկեղեցիքն արեւելից և արևմտից ճանաչէն զվարդապետականն իշխանութիւն եպիսկոպոսին Հռովմայ, պարտ էր ձեղ ի մէջ բերել զգործո եօթանց տիեզերական ժողովոց, որք ի զիմաց համորէն Եկեղեցւոյ խօսեցան յութեսին դարսն առաջինս։ Բայց դուք չարիք զայդ, զի և անհնարին իմն էր։ Ժողովքն այնոքիկ պատկառելիք սահմանեալ հաստատեցին զաստիճան եպիսկոպոսին Հռովմայ յԵկեղեցական դասակարգութեան։ Հաւանեցան ընդ ողջմտութիւն վարդապետութեան նորա՝ մինչդեռ էրն ուղղափառ, և գատապարտ արարին զնա յորժամ եղև հերետիկու։ Զայս հաստատեն աւասիկ զործք և սահմանք նոցին։ Եւ դուք վասն այսորիկ խոհական մոօք լրեցիք զնոցանէ։

Յետ իմէջ բերեց զերիս ժողովս միջնոյ գարուն, որք չունին ինչ զօրութիւն ազդեցութեան, և չհաստատեն իրօք զայժմու ձեռներիցութիւնս ձեր, անցանէր ի գործնական սովորութիւն Եկեղեցւոյ։

Երկու ինչ ասէք ամենայն հաստատութեամբ։ Նախ, թէ նախորդքն ձեր ցանդ ինամ կալեալ իցն ուսուցանել և տա-

րածել զողջամիտ վարդապետութիւնն բազմապատիկ հնարիւք . և երկրորդ՝ թէ յամենայն Եկեղեցւոջ ամենիքեան առ նոսա զիմեին՝ սակա անխառն պահպանութեան այնր վարդապետութեան : Երկորին ևս ասացուածքը սույ սուտ նն ամենէին :

Անդստին յիններորդ դարէ հետէ՝ յորում բաժանեցան նոքա յարևելեան Եկեղեցւոյ, և սկսան թևակոխել ի տիրապետութիւն ի վերայ արևմտեան Եկեղեցւոյ, նախորդքն ձեր աշխատ եղն տարածանել վարդապետութիւնս խեղաթիւրս ի ձեռն ամօթապարտ խարդախսանաց : Նոքա ետուն հնարել զստայօդ կոնդակագիրսն, որպէս զի զյափշտակութիւնսն յերազեալս յինքեանց հիմնաւորեսցին ի վերայ վաղնջուցն աւանդութեանց : Նոքա ետուն զօրինակ ամօթալի խարդախսութեանցն այնոցիկ՝ որք գործեցան յարևմտւոս ի միջին դարու ի զրուածը հարցն սրբոց, և ի պատուական յիշատակարանս աւանդութեան Եկեղեցւոյ : Սոսկալիթիթխար ջանից բազմահմուտ արանց նորոցս ժամանակաց պէտք եղն առ ի մաքրելոց և զրտելոց զյիշատակարանսն զայնոսիկ ի խարդախսանացն զրոս միանձունքն ընդօրինակողք մուծեալ էին ի նոսա . որք և առ հասարակ վառեալ էին ցանկութեամբ բարձրացուցանելոց զիշիանութիւն եպիսկոպոսին ձոռվմայ :

Մինչդեռ խաւարայինս այս աշխատութիւն ի զլուխ ելանէր, նախորդքն ձեր այլասիոնէին զհանգանակն նախնի հաւատոյ, յեղաշրջէին զխորհուրդն հաղորդութեան ի կարգադրութենէ անտի զոր սահմանեալ էր Քրիստոս, փոխէին զառաքելաղիր արարողութիւնս մկրտութեան, պղծէին նորաձեռութեամբք ըզմատակարարութիւն այլոցն սրբազն արարողութեանց, վճիռս հանէին այլանգակս ըստ հաճցոյ քմաց իւրեանց, էր զի և ծաղրականս անգամ : Եւ գուք իրրե արժանաւոր նմանող նոցին՝ հրատարակեցիք աւասիկ երկուս վարդապետութիւնս նորս, զորս և ոչ իսկ արևմտեանն Եկեղեցի լուեալ էր բնաւ երբէք : Այսպէս ահա վաստակեցիք զուք և նախորդքն ձեր ուստցանել և տարածանել զողջամիտն վարդապետութիւն :

Ճշմարի՞տ իցէ զոր ասէքն՝ թէ առ նոսա դիմեխն վասն անվթար պահպանութեան վարդապետութեանն այնորիկ : Բեր տեսցուք զիաստո ձեր :

Ի վկայութիւն կոչէք զթուղթ սրբոյն Կիւրղի Աղեքսանդրացոյ առ Կելսատինոս Հռովմայ եպիսկոպոս, զթուղթ եպիսկոպոսին Հռովմայ Խննովկենտիոսի Ա, առ ժողովս Կարթագինոյ և Մելիոյ, զթուղթ մի Բեռնարդոսի արքայի Պայծառաձորոյ վանից, և զթուղթ Աղաթոնի Հռովմայ եպիսկոպոսի առ Կայսրն, թուղթ հաստատեալ ի վեցերորդ տիեզերական ժողովն : Եւ զի՞նչ ինչ կայցէ ի զրուածոդ յայդոսիկ :

Նախ՝ թէ վասն տալոյ սահմանի իմիք զընդհանրականութիւն՝ հարկ էր արևելից և արևմտից համաձայնս լինել իրերաց, Երկրորդ՝ թէ աթոռն Հռովմայ, որ մի միայն աթոռ պատրիարքութեան է յարեմուտո՛ պարտի համաձայն լինել պատրիարքական աթոռոցն արևելից : Երրորդ՝ թէ հարկ է ուրեմն խորհուրդ հարցանել ի նմանէ՝ ոչ թէ վասն այնորիկ իրոր թէ ունիցի իշխանութիւն ինչ գերազոյն, զոր ոչ ոք ընդ միտ անգամ անցուցանէր, այլ զի նա առաջի առնէր զարևմուտու : Ոչ այլ ինչ գտիք գուք վարդապետութիւն ի զրուածո ժամանակացն եղելոց յառաջ քան զգարն Թ : Խսկ ըզկայութեանց յետնագոյն ժամանակաց, որպիսի է Բեռնարդոսին Պայծառաձորեցոյ, յիշատակութիւն անգամ առնել չկամիմ ես . քանզի ոչ ունին նոքա և ոչ զմի տիպ կերպարանաց ընդհանրականութեան : Միայն թէ աղաջեմ զձերդ Սրբազնութիւն՝ ընթեռնուլ ի զրուածոն Բեռնարդոսի զայլ ինչ ամենեւ մին քան թէ զքանի մի տողմն զայնոսիկ . քանզի անդ տեսանիցէք ճշմարտութիւնն բազումն ասացեալս ի գէմն պապից, և զչերքումն կարծեցեալ վարդապետութեանն՝ զոր հրատարակեցիք զանարատ յղութենէ :

Ի զարմանալի փաստիցն ձերոց յառաջ բերէք՝ թէ կնիքն ճշմարտութեան և անպակասելի հաւատոյ շնորհեցաւ Պետրոսի և յաջորդաց նորա, որք ընկալան զպաշտօն ի բաց մաքրելոց զմոլորութիւնս յեկեղեցոյ, ուսուցանելց ի նմա ըզճշմար-

տութիւն, և պահելոյ զայն ի միութեան՝ ազատ յամենայն բաժանմանէ :

Սրբազն Հայր, եթէ արդարեւ շնորհդ այդ պարգևեցաւ պապիցն յԱստուծոյ, ապա զիակրդ է զի նոքա այնպէս չարաչար վարեցան դովաւ, Յութեան դարսն առաջինս Եկեղեցին համօրէն ի միութեան էր. յիններորդումն սկսանի բաժանմիլ յերկուս մասունս, յարեւելեան և յարեւմունան. Դիւրին էր ինձ ապացուցանել՝ թէ Եպիսկոպոսունքն Հռուլմայ եղեն պատճառք հերձուածցն. այլ զի մի՛ մտանիցեմք ի քննութիւն այդր խընդոց, այս ինչ յայտնի է՝ թէ չկարեք ուրանալ զի պապքն ոչ կարացին արգելու զայն :

Ի ԺԴ դարսուն ամենայն Եկեղեցիք արեւմտից ճանաչէն զգերագահութիւն պապին. իսկ ի ԺԵ դարսու Եկեղեցիքն այնպիկ կիսով մասամբ անջատեցան ի նմանէ. Թողեալ ըզին զիին՝ թէ արդեօք պապքն ոչ եղեն պատճառք ըստ մեծի մասին այնր բաժանման, ապաքէն անժխտելի իմն է՝ զի չկարացին նոքա զառաջս ունել բաժանմանն : Ա.Յ. և յայնոսիկ յԵկեղեցեացն արեւմտից, որք մնացին ի միութեան ընդ պապին, մարթ է ցուցանել բազմաթիւ երկպառակութիւնս զէական մասանց դաւանութեան, մանաւանդ զպապական իշխանութենէ, և զկանոնական հրամանաց զորս իշխէ պապն տալ Եկեղեցւոյ ի զիմաց Աստուծոյ :

Ամբաստանութիւն է ի բերանս ամենեցուն՝ թէ փառասիրութիւն պապիցն պատճառք եղեն այն ամենայն երկպառակութեանց. բայց մեք և զայդ ինզիր թողցուք ի բաց առանց քըննելոյ: Ա.Յ. ինչ յայտնի է սոուգութեամբ, զի պապքն չկարացին խափանել զնոսին, և զարդիս ևս քան զես սաստկանան նորին և զայրանան ի պատճառս կոնդակիդ՝ զօր առեալ է մեր ի քննել :

Եթէ պապքն ընկալեալ էին զշնորհս և զպաշտօն պահելոյ զմիութիւն Եկեղեցւոյ, և սոուցանելոյ զայն ճշմարտութեամբ, և չկարացին առնել ոչ զմին և ոչ զմիւն, երկու ինչ պատճառք մարթէին այդմ լինել. կամ այն զի խոստմունքն Աստու

ծոյ չառին զկատարումն , կամ թէ խոստմունքն այնոքիկ բնաւ իսկ չեղեն երբէք , որպէս ամենայն Եկեղեցիքն բաժանեալք ի Հռովմէ հաստատեն : Եւ զդի՞ն արդեօք յերկուց ծայրից երկսայրաբանութեամսդ ընտրեալ առնուցուք , Սրբազն Հայր :

Դուք ինքնին խոստովան լինիք՝ թէ սաստկապէս հակառակութիւն կրեն չափազանց պահանջմունքդ ձեր , և վասն այսուրիկ իսկ հարկ համարեալ էք վերստին կրկնել զնոսին : Եւ միթէ կարծիցէք , Սրբազն Հայր . թէ կրկնելովդ ձերով յաջողեսջիք ի խորհուրդս ձեր : Դժուարին է ինձ ի միտ առնուլ՝ թէ մինչև ցայս աստիճան խարէք դուք զանձն ձեր : Հանդիսաւոր մեծարանութիւնք յայտարարութեանն ձերոյ ոչ ազդեսցեն բնաւ ի վերայ ոյր ուրուք և իցէ . քանզիք անցիք զանցիք դուք զնախորդօքն ձերովք՝ որ այնքան չարիս հասուցին Եկեղեցւոյ , և չարիքն զոր դուք այժմ հասուցանէք նմին՝ մեծագոյն ևս եղիցին :

Սակայն ո՛բքան և ծանր իցէ մեզ միսել յողորմելին ձեր յայտարարութիւն հանդիսական , որ և կնիք է ձերումէ ողբալի կոնդակի , բեր մատիցուք ի քննութիւն նորին :

Ասէք դուք՝ թէ համաձայն իցէ այն աւանդութեան անդրստին իսկզբանէ ընդունելի եղեց Քրիստոսական հաւատոց : Սուտ է այդ . և դուք հրատարակէք ի պարծանս Կաթուղիկէ հաւատոց և ի փրկութիւն ժողովրդոց քրիստոնէից , ուր պարտ էր ձեզ ասել , յանարգութիւն քրիստոնէական հաւատոց , և ի գայթակղութիւն հաւատացելոց և արանց բանաւորաց : Եւ հրատարակէք դուք զայդ հաւանութեամբ ժողովցոյ , մինչեւ հաւաքումն մարդկանդ ոչ է ժողով օրինաւոր . քանզի ժողովեալքն ի նմին ոչ դատեցին և ոչ վկայեցին՝ թէ որ իցէ հաստատուն հաւատն Եկեղեցեաց իւրաքանչիւր :

Եւ զի՞նչ է զոր սահմանեալ վճռէքդ : Թէ քահանայապետն Հռովմայ յորժամ յանուանոյ խօսիցի , ունի զշնորհս անսխալութեան , և թէ վճիռք նորա անսխալականք են ինքնին և ոչ ի հաւանութենէ Եկեղեցւոյ : ԱՃռէք դուք՝ թէ այդ իցէ վարդապետութիւն ինչ յայնեալ յԱստուծոյ : Եթէ այդ-

պէս իցէ, զի՞ է զի ոչ ոք գիտաց զայն մինչև ցայժմ՝ Ասէք թէ ցանդ այսպէս հաւատացեալ է ամենեցուն. բայց թշլ տուք ինձ կարծել՝ թէ քաջ գիտէք գուք ինքնին՝ եթէ ոչ է ճշմարիտ բանդ. Եւ եթէ երկմտիցէք ինչ ընդ այս, աղէ յակն արկէք միանգամ զաստուածաբանութիւնս Եկեղեցւոյն ձերոյ։ Զի՞նչ տեսանիցէք ի նոսա։ Մատենազիրս՝ որք ի հնգետասաներորդ դարէ և այսր պնդեն՝ թէ պապն անսխալ իցէ, և այլս որք բացէ ի բաց մերժեն զայն։ Առաջին ապացոյց՝ թէ վարդապետութիւնդ այդ ոչ է ընկալեալ։ Այլ և տեսանէք ի նոսա, զի և այնոքիկ որք զկողմն պապական անսխալութեան ունին՝ համարին զվարդապետութիւնն զայն կարծիս ինչ և եթ, և ոչ վարդապետութիւն հաւատոյ։ Եւ աչա երկրորդ ապացոյց՝ թէ վարդապետութիւնդ այդ ոչ է ընկալեալ։ Անհնարին իմն էր ձեզ ի մէջ բերել յառաջ քան զկոնդակդ զայդ և ոչ զմի ինչ գրուած արժանահաւատ և ոչ իսկ ի ձերումի Եկեղեցւով, յորում պապական անսխալութիւնն զնիցի իրու զվարդապետութիւն ինչ յայտնեալ յԱստուծոյ։ Ապա ուրեմն զնոր իմն վարդապետութիւն հնարեցիք դուք, Ունեի՞ք արդեօք առ այն իրաւունս, Դուք ինքնին իսկ չկարծէք բնաւ. Նմին իրի առ ի հրատարակելոյ զայն հարկ համարեալ էք ասել՝ հակառակ իրացն ճշմարտութեան՝ թէ դուք արձագանդ միայն իցէք՝ կրկնող աւանդութեան Եկեղեցւոյ։

Ի վախճան միոյ միոյ ի զլխոց կոնդակիդ նզովս արձակէք ընդդէմ այնոցիկ՝ որք չընդունիցին զվարդապետութիւնս ձեր. այլ նզովքն այնոքիկ անորքն ի զլուխ ձեր թօթափին։ Ոչ անջատէք դուք յԵկեղեցւոյ զայնոսիկ որք մերժեն զնորահնար վարդապետութիւնս ձեր, այլ դուք ինքնին նոր ի նորոյ բաժանիք յԵկեղեցւոյ։ Կամիք դուք նորանոր հերետիկոս և նորանոր հերձուածողս հանել կացուցանել ի միջի, և զանձն իսկ ձեր արկանէք ի հերձուած և ի հերետիկոսութիւն։

Այն ինչ ի վախճան թղթոյս ժամանեալ մեր, և աչա սկսաւ Աստուած պատուհասակոծ առնել զձեզ, Սրբադան

Հայր, ի պատճառու յանդգնութեան ձերոյ և մոլորութեանց և ամբարտաւանութեանդ։ Նախախնամութիւնն Աստուծոյ դէպ ժամանակ համարեց աւ զժամանակն՝ յորում թեակոնսէիք գուք ամրառնալ բարձրանալ գեր ի վերոյ իսկ յաջորդացն ձերոց, և իրեաց ի ձեռաց ձերոց զվերջին պատառն աշխարհական թագաւորութեան՝ զոր այնքան գուն գործէիք պինդ ունել։ Յամին 1854 հրատարակեցիք զմղար վարդապետութիւն անարատ յղութեան, զնելով ի մոի թէ Տիրամայրն ի շնորհուկս ձեր հաստատեսցէ զխարիլեալ ամոռուք։ Խարեցայք գուք յակընկալութեան ձերում, և Կոյսն սուրբ առ ոչինչ գրեաց զպաշտօնն զոր համարէիք մատուցանել նմա։ Յետ այնորիկ անկայք անկանելով ևս քան զես, և տապաստ անկանիք յերկիր ի սմին իսկ պահու, յորում թեակոփիէիք ամրառնալ զաթուն ձեր հաւասար ամոռուցն Աստուծոյ։ Խելամո՞ւտ իցէք արգեօք այսմ խրատու։ — Ոչ կարծեմ ես։ Սահմանեալ է Աստուծոյ ի խորհուրդն իւր՝ կորուսանել զպապականդ իշխանութիւն ոչ միայն ըստ աշխարհական ազգեցութեանն, այլ և ըստ հոգեւորականին։ Վասն այսորիկ հարցէ զձեղ Աստուած կուրութեամբ։ Քարիսն պոռնկեալն ընդ թագաւորս երկրի, առ ի պահելոյ զպերձութիւնս իւր և մնուցանելոյ զախտս մոլութեանց, յետ ընդունելոյն զարժանին հատուցումն անառակութեանց իւրոց՝ պարտի ըստ բանից աւետարանիչ մարդարէին տալ պատերազմ ընդ սուրբան Աստուծոյ։ Ամբարտաւանութիւն նորա և անզգամութիւնն ունին այլ ևս ժամանակ ինչ՝ մինչև սուրբն և անարատ Եկեղեցի Քրիստոսի երևեսցի յաշխարհի ի բովանդակ պայծառութեան իւրում։ Զեռունքն զարշելիք որք սողան առ ոտս ձեր ծածկելով զանձննս կեղծաւուրար ընդ պաշտելի անուամբ Յէսուսի, պարտին զամենայն ջան ի գործ արկանել, և զկարծեցեալ անսխալութիւնդ ձեր չարաշար ի կիր արկանել առ ի մօլորեցուցանելոյ զողիս մարդկան, և տիրապետեցի ի վերայ նոցա։ Երանի՛ այնոցիկ որք ապրեսցին ի թունից նոցա, և ի բաց ելցեն ի պղծոյն Քաբելոնէ, յաղրերէ անտի մոլորութեանց, և յապականչէ ծշմարտու-

թեան : Այս խրատ է աւագիկ զոր տայ նոցա բարձրածայն բարբառով աւետարանիչ մարզարէն :

Խոկ դուք, Հայր Սրբազն, չկարեմ ևս յուսալ թէ գայցէք ի դարձ և յապաշխարութիւն . քանզի մեղայք դուք ընդդէմ Հոգւցին սրբոյ՝ ասեղով թէ զայս ինչ ասաց Աստուած, մինչդեռ Աստուծոյ չէր խօսեցեալ : Ապա ուրեմն զայս և եթուխտ սրտի մնայ ինձ առնել, զի սուրբ Եկեղեցին տեսեալ՝ զի դուք լցիք զչափի ամենայն անօրէնութեանցն Հոռովմայ, Հարցէ զձեղ սարսափելի դատաստանաւ, և հանդիսաւոր դատավճռով հրատարակեացէ թէ զրկեալ էք դուք յամենայն արտօնութեանցն շնորհեցը աթոռոյն ձերում յառաջնոց անտի տիեզերական ժողովոց, ևս և ի պատրիարքական պատույն՝ որում անարժան կացուցիք զանձն ձեր, և ի բաց մերժեցէ զձեղ ի ճշմարիս Եկեղեցւոյն Քրիստոսի :

Այս դատավճիռը ոչ արդեօք զգաստացուցէ զձեզ. սակայն լուսաւորեացէ զմիտս այնոցիկ յարևմտեաց՝ որ պահեալ իցեն զնէր անխառն ճշմարտութեան յայտնեցիլոյ, և զսույգ աւանդութեանց կաթուղիկէ Եկեղեցւոյ:


Ի վերջ բանիցու մատուցանեմ ձեզ, Սրբազն Հայր, զշաւաստիս կարեկցութեան իմց և արգահատանաց :

ԱՐԵՎԻ ՀԱՅՈՒԹՅՈՒՆ

¶ 1. առ դ զ ա ս ս ո ւ թ օ յ օ յ Ո ւ ս օ յ օ ս ս ո ւ թ օ յ օ յ օ յ









ՀՀ Ազգային գրադարան



NL0127401

